

曾文  
正公  
三十家詩鈔

埽葉山房發行

線  
831  
7355-2  
v. 3

舊籍



三十家詩鈔卷三目錄

鮑明遠五古一百三十一首

採桑

代挽歌

代放歌行

代門有車馬客行

代白頭吟

代別鶴操

代陸平原君子有所思行

代陳思王白馬篇

松柏篇

代朗月行

代結客少年場行

代少年時至衰老行

代蒿里行

代東門行

代陳思王京洛篇二首

代權歌行

代東武吟

代出自薊北門行

代悲哉行

代昇天行

代苦熱行

代堂上歌行

扶風歌

代陽春登荆山行

南投縣鹿谷鄉黃端本堂七  
代裔孫代表黃允哲捐贈



代貧賤苦愁行

代邊居行

代邽街行

蕭史曲

侍宴覆舟山二首

從拜陵登京峴

蒜山被始興王命作

登廬山

登廬山望石門

從登香爐峯

從庾中郎遊園山石室

登翻車峴

登黃鶴磯

登雲陽九里埭

自礪山東望震澤

三日遊南苑

贈故人馬子喬六首

答客

和王丞

日落望江贈荀丞

秋日示休上人

答休上人

吳興黃浦亭庾中郎作

與伍侍郎別

送別王宣城

送從弟道秀別

贈傅都曹別

和傅大農與僚故別

送盛侍郎餞候亭

與荀中書別

從過舊宮

從臨海王上荆初發新渚

還都道中三首

上潯陽還都道中

還都至三山望石頭城

還都口號

行京口至竹里

發後渚

岐陽守風

發長松遇雪

詠史

蜀四賢詠

擬古八首

紹古辭七首

學古

古辭

擬青青陵上柏

學劉公幹體五首

擬阮公夜中不能寐

學陶彭澤體

白雲

臨川王服竟還田里

行藥至城東橋

園中秋散

觀圃人藝植

遇銅山掘黃精



見賣玉器者

懷遠人

夢歸鄉

春羈

歲暮悲

在江陵歎年傷老

夜聽妓

翫月城西門廡中

喜雨

苦雨

詠白雪

三日

詠秋

秋夕

秋夜二首

和王護軍秋夕

和王義興七夕

冬至

冬日

望水

望孤石

山行見孤桐

詠雙燕二首

謝元暉五古一百十八首

隋王鼓吹曲十首

江上曲

蒲生行

詠邯鄲才人嫁為厮養卒婦

鼓吹曲二首同沈右率諸公賦

同賦雜曲名

曲池水

銅爵臺同謝諮議賦

遊山

遊敬亭山

將遊湘水尋句溪

遊東田

答王世子

答張齊興

暫使下都夜發新林至京邑贈西府同僚

酬晉安王德元

郡內高齋閒望答呂法曹

在郡臥病呈沈尚書

別王丞僧孺

同羈夜集

新亭渚別范零陵雲

忝役湘州與宣城吏民別

懷故人

始之宣城郡

之宣城郡出新林浦向板橋

休沐重還丹陽道中

京路夜發

晚登三山還望京邑

始出尚書省

直中書省

觀朝雨

宣城郡內登望

冬日晚郡事隙

高齋視事

冬緒羈懷示蕭諮議虔田曹劉江二常侍

落日悵望

賽敬亭山廟喜雨

賦貧民田

移病還園示親屬

治宅

秋夜講解

春思

秋夜

和何議曹郊遊二首

和劉西曹望海臺

和宋記室省中

和王著作融八公山

和伏武昌登孫權故城

夏始和劉孱陵

新治北窗和何從事

和王主簿季哲怨情

和徐都曹出新亭渚

和劉中書

贈王主簿二首

和蕭中庶直石頭

奉和竟陵王同沈右率過劉先生墓

和王長史臥病

和江丞孝嗣北戍瑯邪城

和沈祭酒行園

奉和隋王殿下十六首

和紀參軍服散得益

和王中丞聞琴

將發石頭上烽火樓

望三湖

送江水曹還遠館

送江兵曹檀主簿朱孝廉還上國

臨溪送別

後齋迴望

與江水曹至干濱戲

答沈右率諸君餞別

離夜同江丞王常侍作

祀敬亭山廟

出下館

落日同何儀曹煦

夜聽妓二首

詠薔薇

詠蒲

詠兔絲

遊東堂詠桐

雜詠三首

同詠樂器得琴

同詠坐上玩器得烏皮隱几

同詠坐上所見一物得席

詠竹火籠

詠風

詠竹火韻

詠落梅

詠牆北梔子器爵鳥史烈八

同題坐土河見一以詩

王元長五古九十四首

齊明王歌辭七首

三婦豔詩

青青河畔草

巫山高

芳樹同同美曹照

有所思

臨高臺山順

望城行

法樂辭十二首

少年子

江皋曲

思公子

王孫遊

陽翟新聲

永明樂十首

從武帝琅邪城講武應詔

棲玄寺聽講畢遊邸園七韻應司徒教

雜體報范通直

蕭諮議西上夜集

別王丞僧孺

寒晚敬和何徵君點

和王友德元古意二首

奉和竟陵王郡縣名

遊仙詩五首

淨行詩十首

春遊迴文詩

侍遊方山應詔

奉辭鎮西應教

餞謝文學離夜

和南海王殿下詠秋胡妻七首

琵琶

詠幔

藥名

星名

奉和月下

詠池上梨花

詠梧桐

詠女蘿

移席琴室應司徒教

抄眾書應司徒教

奉和代徐二首

擬古二首

離合賦物爲詠

四色詠

後園作迴文詩

雙聲詩

樂府詩

四首

樂府古詩

詩及書卷言詩餘

詩及書

詩及書上卷詩

詩及書

詩及書

詩及書上卷詩下篇詩

詩及書四卷詩

詩及書六卷詩

詩及書七卷詩

三十家詩鈔卷二目錄

一首

李商隱詩王商詩



三十家詩鈔卷三

湘鄉曾國藩纂

東湖王定安增輯

鮑明遠五古一百三十一首

者文選所錄者樂府詩集所錄

△採桑

陌上桑本秦羅敷拒絕挑者之辭樂府解題謂採桑亦出於陌上桑國藩按陌上桑謂夫不在而拒人此則似與未同處者

季春梅始落。工女事蠶作。採桑淇洧閒。還戲上宮閣。早蒲時結陰。晚篁初解籜。藹藹霧滿閨。融融景盈幕。乳燕逐草蟲。巢蜂拾花萼。是節最暄妍。佳服又新爍。絲玉臺作斂歎對迴塗。揚歌弄場藿。抽琴試杼思。薦珮果成託。承君郢中美。服義久心諾。衛風古愉豔。鄭俗舊浮薄。靈願悲渡湘。宓賦笑漣洛。盛明難重來。淵意為誰涸。君其且調絃。桂酒妾行酌。

△代蒿里行

同盡無貴賤。殊願有窮伸。馳波催永夜。零露逼短晨。結一作驅我幽山駕。去此滿堂親。虛容遺劍佩。實貌戢衣巾。斗酒安可酌。尺書誰復陳。年代稍推遠。懷抱日幽淪。人生良可劇。天道與何人。齋我長恨意。歸為狐兔塵。

△代挽歌

獨處重冥下。憶昔登高臺。傲岸平生中。不爲物所裁。埏門祇復閉。白蟻相將來。生時芳蘭體。小蟲今爲災。玄鬢無復根。枯體依青苔。憶昔好飲酒。素盤進青梅。彭韓及廉藺。疇昔已成灰。壯士皆死盡。餘人安在哉。勢氣

○代東門行

樂府解題曰古辭出東門言士有貧不安其居者拔劍欲去妻子牽衣留之願共舖糜不求富貴若鮑照之詩則但傷離別而已

傷禽惡弦驚。倦客惡離聲。離聲斷客情。賓御皆涕零。涕零心斷絕。將去復還訣。一息不相知。何況異鄉別。遙遙征駕遠。杳杳白日晚。居人掩閨臥。行子夜中飯。野風吹草木。行子心腸斷。食梅常苦酸。衣葛常苦寒。絲竹徒滿座。憂人不解顏。長歌欲自慰。彌

起長恨端。勢氣

○代放歌行

放歌行一曰孤兒行一曰孤子生行言孤兒爲兄嫂所苦難與久居也鮑照此詩則言榮利之場不宜輕入也

蓼蟲避葵藿。習苦不言非。小人自齷齪。安知曠士懷。雞鳴洛城裏。禁門平日開。冠蓋縱橫至。車騎四方來。素帶曳長飆。華纓結遠埃。日中安能止。鐘鳴猶未歸。夷世不可逢。賢君信愛才。明慮自天斷。不受外嫌猜。一言分珪爵。片善辭草萊。豈伊白璧賜。將起黃金臺。今君有何疾。臨路獨遲迴。氣勢。首四句以蓼蟲之習苦喻世之習於榮利。應仕沈溺而不反者。雞鳴八句極言榮利之

場眾所共趨。夷世十句蓋反言以見意向使君非愛才嫌猜不斷則不能不臨路遲迴矣

△代陳思王京洛篇

玉臺作煌煌京洛行

鳳樓十二重四戶八綺窗繡栢金蓮花桂柱玉盤龍珠簾無隔露羅幌不勝風寶帳三千所爲爾一朝容揚芬紫煙上垂綵綠雲中春吹回白日霜高落塞鴻但懼秋塵起盛愛逐衰蓬坐視青苔滿臥對錦筵空琴瑟縱橫散舞衣不復縫古來共歇薄君意豈獨濃惟見雙黃鵠千里一相從

氣勢○春吹四句言時移事異盛極必衰

△其二

南遊偃師縣斜上霸陵東迴瞻龍首堞遙望德陽宮重門遠照耀天閣復穹隆城傍疑複道樹裏識松風黃河入洛水丹泉繞射熊夜輪懸素魄朝天蕩碧空秋霜曉驅雁春雨暗成虹曲陽造甲第高安還禁中劉蒼歸作相竇憲出臨戎此時車馬合茲晨冠蓋通誰知兩京盛歡宴遂無窮

△代門有車馬客行

門有車馬客皆言問訊其客備敘市朝遷變親友彫落之意也鮑詩則並敘此客旋又別去

門有車馬客問客何鄉士捷步往相訊果得舊鄰里悽悽聲中情慊慊增下俚語昔有故悲論今無新喜清晨相訪慰日暮不能已歡戚競尋緒談調何終止辭端竟未究忽唱分途始前悲尙未弭後感方復起嘶聲盈我口談言在君耳手迹可傳心願

爾篤行李猶云珍重道塗

代權歌行

羈客離嬰時。飄飄無定所。昔秋寓江界。茲春客河許。往戢于役身。願言永懷楚。泠泠  
儵疏潭。邕邕雁雁。循渚颺戾。長風振搖曳。高帆舉驚波。無畱連舟人。不躑此。

代白頭吟

樂府解題曰鮑照張正見虞世南白頭吟皆自傷清直芬馥而遭鑠金玷玉之謗君恩以薄

直如朱絲繩。清如玉壺冰。何慚宿昔意。猜恨坐相仍。人情賤恩舊。世議逐衰興。毫髮

一為瑕。邱山不可勝。食苗實碩鼠。點白信蒼蠅。鳧鵠遠成美。薪芻前見陵。韓詩外傳田饒謂魯

進班去趙姬。升周王日淪。惑漢帝益嗟。稱心賞猶難。恃貌恭豈易。憑古來共如此。非

君獨撫膺。勢氣

代東武吟

東武吟傷時移事異榮華徂謝也此專言苦戰老將傷時事之移易

主人且勿諠。賤子歌一言。僕本寒鄉士。出身蒙漢恩。始隨張校尉。張篤占一作募到

河源後逐李。輕車李蔡追虜窮。塞垣密塗互。萬里甯歲猶。七奔則遠者可知甯歲猶

肌力盡鞍甲。心思歷涼溫。將軍既下世。部曲亦罕存。時事一朝異。孤績誰

七奔則多事時可知

復論少壯辭家去窮老還入門腰鎌刈葵藿倚杖牧雞豚昔如韝上鷹今似檻中猿  
徒結千載恨空負百年怨棄席思君幄疲馬戀君軒願垂晉主惠不愧田子魂

子晉文公至河令曰籩豆捐之席蓐捐之舅犯聞之哭文公乃止韓詩外傳  
田子方出見老馬於道曰少盡其力老棄其身仁者不為也東帛而贖之

代別鶴操

古今注曰別鶴操商陵牧子所作也娶妻五年無子父兄  
將為之改娶其妻中夜起倚戶而悲嘯牧子援琴作歌

雙鶴俱起時徘徊滄海間長弄若天漢輕軀似雲懸幽客時結侶提攜遊三山青繳  
凌瑤臺丹羅籠紫煙海上悲風急三山多雲霧散亂一相失驚孤不得住緬然日月  
馳遠矣絕音儀有願而不遂無怨以生離鹿鳴在深草蟬鳴隱高枝心自有所存

懷  
旁人那得知

代出自薊北門行

出自薊北門行大致與從軍行同而  
兼言燕薊風物此則竝及忠節矣

羽檄起邊亭烽火入咸陽徵騎屯廣武分兵救朔方嚴秋筋竿勁虜陣精且彊天子  
按劍怒使者遙相望雁行緣石徑魚貫度飛梁簫鼓流漢颶旌甲被胡霜疾風衝塞  
起沙礫自飄揚馬毛縮如蝟角弓不可張時危見臣節世亂識忠良投軀報明主身  
死為國殤

勢氣

代陸平原君子有所思行

樂府解題曰君子有所思行陸機鮑照沈約之辭皆  
言彫室麗色不足為久權宴安醜毒滿盈所宜敬忌

西上登雀臺東下望雲闕層閣肅天居馳道直如髮繡甍結飛霞璇題納行月築山  
擬蓬壺穿池類溟渤選色遍齊岱徵聲匝邛越陳鐘陪夕讌笙歌待明發年貌不可  
還身意會盈歇蟻壤漏山阿善作河絲淚毀金骨器惡含滿敬物忌厚生沒智哉眾多  
士服理辨昭晰

代悲哉行

羈人感淑節緣感欲回轍我行詎幾時華實驟舒結覩實情有悲瞻華意無悅覽物  
懷同志如何復乖別翩翩翔禽羅關關鳴鳥列翔鳴尚儔偶所歎獨乖絕

代陳思王白馬篇

白馬駢角弓鳴鞭乘北風要途問邊急雜虜入雲中閉壁自往夏清野徑還冬僑裝  
多闕絕旅服少裁縫埋身守漢境一作節沈命對胡封埋身沈命皆堅志赴敵之意薄暮塞雲起飛  
沙被遠松含悲望兩都楚歌登四墉丈夫設計誤懷恨逐邊戎棄一作罷別中國愛邀  
冀胡馬功去來今何道卑賤生所鍾但令塞上兒知我獨爲雄

代昇天行

家世宅關輔勝帶宦王城備聞十帝事委曲兩都情倦見物興衰驟覩俗屯平翩翩

若回掌。恍惚似朝榮。窮途悔短計。晚志重長生。從師入遠嶽。結友事仙靈。五圖發金

記。九籥隱丹經。道書有五嶽真形圖。金記謂金丹書也。籥者藏書之籥。丹有九轉。故曰九籥也。風餐委松宿。雲臥恣天行。冠

霞登綵閣。解玉飲椒庭。暫遊越萬里。少別數千齡。鳳臺無還駕。簫管有遺聲。列仙傳

善吹簫。秦穆公以女弄玉妻之。為作鳳臺。夫婦止其上。一日隨鳳飛去。何當與汝曹。啄腐共吞腥。

△松柏篇竝序

余患脚上氣四十餘日。知舊先借傅玄集。以余病劇。遂見還開帙。適見樂府

詩。龜鶴篇於危病中見長逝詞。惻然酸懷。抱如此重病。彌時不差呼吸。乏喘

舉目悲矣。火藥間闕而擬之。

松柏受命獨。歷代長不衰。人生浮且脆。就若晨風悲。東海送逝川。西山導落暉。南廓

一作悅籍短。蒿里收永歸。諒無疇昔時。百病起盡期。志士惜牛刀。忍勉自療治。傾家

行藥事。顛沛去迎醫。徒備火石苦。奄至不得辭。龜齡安可獲。岱宗限已迫。睿聖不得

畱。為善何所益。捨此赤縣居。就彼黃墟宅。永離九原親。長與三辰隔。屬纊生空盡。闔

棺世業埋。事痛存人心。恨結亡者懷。祖葬既云及。墳塋亦已開。室族內外哭。親疏同

共哀。外姻遠近至。名列通夜臺。扶輿出殯宮。低徊戀庭室。天地有盡期。我去無還日。

居者今已盡。人事從此畢。火歇煙既沒。形銷聲亦滅。鬼神來依我。生人永辭訣。大暮  
杳悠悠。長夜無時節。鬱湮重冥下。煩冤難具說。安寢委沈寔。戀戀念平生。事業有餘  
結。刊述未及成。資儲無擔石。兒女皆孩嬰。一朝放捨去。萬恨纏我情。追憶世上事。束  
教已自拘。明發靡怡愈。夕歸多憂虞。轍間長徑荒。輟宴式酒濡。知今瞑目苦。恨失爾  
時娛。遙遙遠民居。獨埋深壤中。墓前人跡滅。冢上草日豐。空林響鳴蠅。高松結悲風。  
長寐無覺期。誰知逝者窮。生存處交廣。連榻舒華茵。已沒一何苦。楛哉不容身。昔日  
平居時。晨夕對六親。今日奄柰何。一見無諧因。禮席有降殺。三齡速過隙。几筵就收  
撤。室宇改疇昔。行女遊歸途。行女已嫁之仕子復王役。家世本平常。獨有亡者劇。時祀望  
歸來。四節靜瑩邱。孝子撫墳號。父兮知來不。欲還心依戀。欲見絕無由。煩冤荒隴側。  
肝心盡崩抽。

代苦熱行

赤阪橫西阻。火山赫南威。身熱頭且痛。烏墮魂來歸。湯泉發雲潭。焦煙起石圻。日月  
有恆昏。雨露未嘗晞。丹蛇踰百尺。玄蜂盈十圍。含沙射流影。吹蠱病行暉。瘴氣晝薰  
體。茵露夜霑衣。茵草名有毒其上饑猿莫下食。晨禽不敢飛。毒涇尚多死。渡瀘甯具

賦生軀蹈死地。昌志登禍機。戈船榮既薄。伏波賞亦微。爵輕君尚惜。士重安可希。

韓詩

外傳宋燕相齊罷召客與赴諸侯皆伏不對田饒曰君欲素錦繡從風而弊士曾不得緣衣夫財者君所輕死者士所重君不能用所輕欲使士用重乎。前言苦熱瘴毒末言從軍死地勞多而賞薄

△代朗月行

朗月出東山。照我綺窗前。窗中多佳人。被服妖且妍。靚妝坐帷裏。當戶弄清絃。鬢奪衛女迅。體絕飛燕先。為君歌一曲。當作朗月篇。酒至顏自解。聲和心亦宣。千金何足重。所存意氣間。

△代堂上歌行

四坐且莫諠。聽我堂上歌。昔仕京洛時。高門臨長河。出入重宮裏。結友曹與何。車馬相馳逐。賓朋好容華。陽春孟春月。朝光散流霞。輕步逐芳風。言笑弄丹葩。暉暉朱顏酡。紛紛織女梭。滿堂皆美人。日成對湘娥。雖謝侍君閑。明妝帶綺羅。箏笛更談吹。高唱好相和。萬曲不關心。一曲動情多。欲知情厚薄。更聽此聲過。

△代結客少年場行

結客少年場本言輕生重義慷慨以立功名者此則兼言晚節坎壈之狀

驄馬金絡頭。錦帶佩吳鉤。失意杯酒間。白刃起相讐。追兵一日至。負劍遠行遊。去鄉

三十載復得還舊邱，升高臨四關。表裏望皇州，九衢平若水。雙闕似雲浮，扶宮羅將相。夾道列王侯，日中市朝滿。車馬若川流，擊鍾陳鼎食。方駕自相求，今我獨何爲。培塿懷百憂。勢氣

△扶風歌

昨辭金草殿，今次雁門縣。寢臥握秦戈，棲息抱越箭。忍悲別親知，行泣隨征傳。寒煙空徘徊，朝日乍舒卷。

代少年時至衰老行

憶昔少年時，馳逐好名晨。結友多貴門，出入富兒鄰。綺羅豔華風，車馬自揚塵。歌唱青齊女，彈箏燕趙人。好酒多芳氣，餽味厭時新。今日每相念，此事邈無因。寄語後生子，作樂當及春。

代陽春登荆山行

旦登荆山頭，崎嶇道難遊。早行犯霜露，苔滑不可留。極眺入雲表，窮日盡帝州。方都列萬室，層城帶高樓。奕奕朱軒池，紛紛綈衣流。日氛映山浦，暄霧逐風收。花木亂平原，桑柘縣平疇。攀條弄紫莖，藉露折芳柔。遇物雖成趣，念者不解憂。且共傾春酒，長

歌登山邱

代貧賤苦愁行

湮沒雖死悲。貧苦卽生劇。長歎至天曉。愁苦窮日夕。盛顏當少歇。鬢髮先老白。親友四面絕。朋知斷三益。空庭慚樹萱。藥餌愧過客。貧年忘日時。黯顏就人情。俄頃不相酬。恧怩面已赤。或以一金恨。便成百年隙。心爲千條計。事未見一獲。運圯津塗塞。遂轉死溝洫。以此窮百年。不如還窳窳。

代邊居行

少年遠京陽。遙遙萬里行。陋巷絕人徑。茅屋摧山岡。不覩車馬迹。但見麋鹿場。長松何落落。邱隴無復行。邊地無高木。蕭蕭多白楊。盛年日月書。一去萬恨長。悠悠世中人。爭此錐刀忙。不憶貧賤時。富貴輒相忘。紛紛徒滿目。何關慨予傷。不如一畝中。高會挹清漿。遇樂便作樂。莫使候朝光。

代邽街行

一作去邽行

竝立出門衢。遙望轉蓬飛。蓬去舊根在。連翩逝不歸。念我捨鄉俗。親好久乖違。慷慨懷長想。惆悵戀音徽。人生隨事變。遷化焉可祈。百年難必果。千慮易盈虧。

△蕭史曲

蕭史愛長年。羸女惜童顏。火粒願排棄。霞霧好登攀。龍飛逸天路。鳳起出秦關。身去長不返。簫聲時往還。

侍宴覆舟山

息雨清上郊。開雲照中縣。遊軒越丹居。暉燭集涼殿。凌高躋飛楹。追焱起流宴。松苑含靈羣。巖庭藏物變。明輝爍神都。麗氣冠華甸。目遠幽情周。醴洽深恩遍。

其二

繁霜飛玉闥。愛景麗皇州。清蹕戒馳路。羽蓋伫宣游。神居旣崇盛。崑嶮信環周。禮俗陶德聲。昌會溢民謳。漸無勝化質。謬從雲雨游。

從拜陵登京峴

孟冬十月交。殺盛陰欲終。風烈無勁草。寒甚有凋松。軍井冰晝結。士馬壇夜重。晨登峴山首。霜雪凝未通。息鞍循隴上。支劍望雲峯。表裏觀地險。昇降究天容。東嶽覆如礪。瀛海安足窮。傷哉長永矣。馳光不再中。衰賤謝遠願。疲老還舊邦。深德竟何報。徒令田陌空。

蒜山被始興王命作

暮冬霜朔嚴。地閉泉不流。玄武藏木陰。丹鳥還養羞。勞農澤既周。役車時亦休。高薄符好蒨。藻駕及時遊。鹿苑豈淹睇。兔園不足留。升嶠眺日軌。臨迴望滄洲。雲生玉堂裏。風靡銀臺陬。陂石類星懸。嶼木似煙浮。形勝信天府。珍寶麗皇州。白日迴清景。芳豔洽歡柔。參差出寒吹。飈戾江上謳。王德愛文雅。飛瀚灑鳴球。美哉物會昌。衣道服光猷。

登廬山

懸裝亂水區。薄旅次山楹。千巖盛阻積。萬壑勢迴縈。龍從高昔貌。紛亂襲前名。洞淵窺地脈。聳樹隱天經。松磴上迷密。雲竇下縱橫。陰冰實夏結。炎樹信冬榮。嘈噴長鷄思。叫嘯夜猿清。深巖伏化迹。窮岫闕長靈。乘此樂山性。重以遠遊情。方躋羽人途。永與煙霧并。

登廬山望石門

訪世失隱淪。從山異靈士。明發振雲冠。升嶠遠棲趾。高岑隔半天。長巖斷千里。氛霧承星辰。潭壑洞江汜。斬絕類虎牙。嶮岈象熊耳。埋冰或百年。韜樹必千祀。雞鳴清澗

中。猿嘯白雲裏。瑤波逐穴開。霞石觸峯起。迴互非一形。參差悉相似。傾聽鳳管竇。細望釣龍子。松桂盈膝前。如何穢城市。

從登香爐峯

辭宗盛荆夢。登歌美鳧繹。徒收杞梓饒。曾非羽人宅。羅景藹雲扃。沾光扈龍策。御風親列涂。乘山窮禹跡。含嘯對霧岑。延蘿倚峯壁。青冥搖煙樹。穹跨負天石。霜崖滅土膏。金澗測泉脈。旋淵抱星漢。乳竇通海碧。谷館駕鴻人。巖棲咀丹客。殊物藏珍怪。奇心隱仙籍。高世伏音華。懸古遁精魄。蕭瑟生哀聽。參差遠驚覲。慚無獻賦才。洗污奉毫臬。

從庾中郎遊園山石室

荒塗趣山楹。雲巖隱靈室。岡澗紛縈抱。林障杳重密。昏昏磴路深。活活梁水疾。幽隅秉晝燭。地牖窺朝日。怪石似龍章。瑕壁麗錦質。洞庭安可窮。漏井終不溢。沈空絕景聲。崩危坐驚慄。神化豈有方。妙象竟無述。至哉鍊玉人。處此長自畢。

登翻車峴

高山絕雲霓。深谷斷無光。晝夜淪霧雨。冬夏結寒霜。淖坂旣馬領。磧路又羊腸。畏塗

疑旅人忌輒覆行箱。升岑望原陸。四眺極川梁。遊子思故居。離客遲新鄉。新知有客慰。追故遊子傷。

登黃鶴磯

木葉江渡寒。雁還風送秋。臨流斷商絃。瞰川悲棹謳。適郢無東轅。還藝文作過夏有西浮。三崖隱丹磴。九派引滄流。淚行感湘別。弄珠懷漢遊。豈伊藥餌泰。得奪旅人憂。

登雲陽九里埭

宿心不復歸。流年抱衰疾。旣成雲雨人。悲緒終不一。徒憶江南聲。空錄齊后瑟。方絕縈絃思。豈見繞梁日。

自礪山東望震澤

瀾漫潭洞波。合沓嶠嶂雲。漲島遠不測。岡澗近難分。幽篁愁暮見。思鳥傷夕聞。以此藉沈痾。棲迹別人羣。結言非盡書。有念豈敷文。

三日遊南苑

採蘋及華月。追節逐芳雲。騰禱溢林疏。麗日暕山文。清潭圓翠會。花薄綠綺紋。合樽遽景斜。折榮委組芬。

贈故人馬子喬

躑躅城上羊。攀隅食玄草。俱共日月輝。昏明獨何早。夕風飄野籜。飛塵被長道。親愛難重陳。懷憂坐空老。

其二

寒灰滅更然。夕華晨更鮮。春冰雖暫改。冬水復還堅。佳人捨我去。賞愛長絕緣。歡至不畱日。感物輒傷年。

其三

松生隴坂上。百尺下無枝。東南望河尾。西北隱崑崖。野風振山籟。朋鳥夜驚離。悲涼貫年節。蔥翠恆若斯。安得草木心。不怨寒暑移。

其四

種橘南池上。種杏北池中。池北旣少露。池南又多風。早寒逼晚歲。衰恨滿秋容。湘濱有靈鳥。其字曰鳴鴻。一挹緡繳痛。長別遠無雙。

其五

皎如川上鵠。赫似握中丹。宿心誰不欺。明白古所難。憑楹觀皓月。灑酒盪憂顏。永念

平生意窮光不忍還淹留徒攀桂延伫空結蘭

其六

雙劍將離別先在匣中鳴煙雨交將夕從此遂分形  
雖沈吳江裏玉臺作水雄飛入楚城  
吳江深無底楚關有崇局一為天地別豈直限幽明  
神物終不隔千祀儻還拜

答客

幽居屬有念合意未連詞會客從外來問君何所思  
澄神自惆悵嘿慮久迴疑謂賓少安席方為子陳之  
我以華門士負學謝前基愛賞好徧越放縱少矜持  
專求遂性樂不計緝名期歡至獨斟酒憂來輒賦詩  
聲交稍希歇此意更堅滋浮生急馳電物道險絃絲  
深憂寡情謬進伏兩睽時願賜卜身要得免後賢嗤  
對客自陳素抱而終問之亦屈原卜居之旨

和王丞

限生歸有窮長憶無已年秋心日迴絕春思坐連絲  
銜協曠古願斟酌高世賢遜迹俱浮海採藥共還山  
夜聽橫石波朝望宿巖煙明澗子沿越飛蘿子縈牽  
性好必齊遂迹幽非妄傳滅志身世表藏名琴酒間

日落望江贈荀丞

旅人乏愉樂。薄暮增思深。日落嶺雲歸。延頸望江陰。亂流瀝大壑。長霧匝高林。林際無窮極。雲邊不可尋。惟見獨飛鳥。千里一揚音。推其感物情。則知遊子心。君居帝京內。高會日揮金。豈念慕羣客。咨嗟戀景沈。情韻

秋日示休上人

枯桑葉易零。波客心易驚。今茲亦何早。已聞絡緯鳴。迴風滅且起。卷蓬息復征。愴愴簞上寒。悽悽帳裏清。物色延暮思。霜露逼朝榮。臨堂觀秋草。東西望楚城。百物方蕭瑟。坐歎從此生。

答休上人

酒出野田稻。菊生高岡草。味貌復何奇。能令君傾倒。玉椀徒自羞。爲君慨此秋。金盞覆牙枿。何爲心獨愁。

吳興黃浦亭庾中郎作

風起洲渚寒。雲上日無輝。連山渺煙霧。長波迴難依。旅雁方南過。浮客未西歸。已經江海別。復與親眷違。奔景易有窮。離袖安可揮。權觴爲悲酌。歌服成泣衣。溫念終不

渝藻志遠存追役人多牽滯顧路慚奮飛昧心附遠瀚炯言藏佩韋。

與伍侍郎別

民生如野鹿知愛不知命飲齧具攢聚翹陸歛驚迸傷我慕類心感爾食苹性漫漫  
鄢郢途渺渺淮海逕子無金石質吾有犬馬病憂樂安可言離會孰能定欽哉慎所  
宜砥德乃爲盛貧游不可忘久交念敦敬。

送別王宣城

發郢流楚思涉淇興衛情既逢青春獻復值白蘋生廣望周千里江郊藹微明舉爵  
自惆悵歌管爲誰清潁陰騰前藻淮陽流昔聲樹道慕高華屬路伫深馨。

送從弟道秀別

參差生密念躑躅行思悲悲思戀光景密念彌歲時歲時多阻折光景乏安怡以此  
苦風情日夜驚懸旗登山臨朝日揚袂別所思浸淫旦潮廣爛漫宿雲滋天陰懼先  
發路遠常早辭篇詩後相憶杯酒今無持游子苦行役冀會非遠期。

贈傅都曹別

輕鴻戲江潭孤雁集洲沚邂逅兩相親緣念共無已風雨好東西一隔頓萬里追憶

棲宿時。聲容滿心耳。落日川渚寒。愁雲繞天起。短翮不能翔。徘徊煙霧裏。

和傅大農與僚故別

絕節無緩響。傷雁有哀音。非同年歲意。誰共別離心。伊昔謬通塗。冠屣預人林。浮江望南嶽。登潮窺海陰。孰謂游居淺。慕美久相深。萋萋春草秀。嚶嚶喜候禽。辰物盡明茂。尊盛獨幽沈。之子安所適。我方棲舊岑。墜歡豈更接。明愛邈難尋。

送盛侍郎餞候亭

霑霜襲冠帶。驅駕越城圍。北臨出塞道。南望入鄉津。高墉宿寒霧。平野起秋塵。君爲坐堂子。我乃負羈人。欣悲豈等志。甘苦誠異身。結涕園中草。憔悴悲此春。

與荀中書別

勞舟厭長浪。疲旆倦行風。連翩感孤志。契闊傷賤躬。親交篤離愛。眷戀置酒終。敷文勉征念。發藻慰愁容。思君吟涉洧。撫已謠渡江。慙無黃鶴翅。安得久相從。願遂宿知意。不使舊山空。

從過舊宮

肅裝屬雲旅。奉勅承末塗。嚴恭履桑梓。如敬覽枌榆。靈命蘊川瀆。帝寶伏篇圖。虎變

由石紐龍翔自鼎湖。功冠生民始。道妙神器初。宮陛畱前制。歌思溢今衢。餘祥見雲物。遺像存陶漁。泉流信清泌。原野實甘荼。豈伊愛艷鄙。天險兼上腴。東秦邦北門。非親誰克居。仁聲日月懋。惠澤雲雨敷。盧令美何歇。唐風久不渝。微臣逢世慶。征賦備人徒。空費行葦德。採束謝生芻。

從臨海王上荆初發新渚

客行有苦樂。但問客何行。

襲王粲從軍行調

扳龍不待翼。附驥絕塵冥。梁珪分楚牧。羽鷁指

全荆。雲艫掩江汜。千里被連旌。戾戾旦風道。嘈嘈晨鼓鳴。收纜辭帝郊。揚棹發皇京。狐兔懷窟志。犬馬戀主情。撫襟同太息。相顧俱涕零。奉役塗未啓。思歸思已盈。

還都道中

悅懌遂還心。踴躍貪至勤。鳴雞戒征路。暮息落日分。急流騰飛沫。回風起江濱。孤獸啼夜侶。離鴻噪霜羣。物哀心交橫。聲切思紛紜。歎慨訴同旅。美人無相聞。

其二

風急訊灣浦。裝高偃檣舳。夕聽江上波。遠極千里目。寒律驚窮蹊。爽氣起喬木。隱隱日沒岫。瑟瑟風發谷。鳥還暮林澗。潮上冰結泐。夜分霜下淒。悲端出遙陸。愁來攢人

懷羈心苦獨宿。

其三

久宦迷遠川。川廣每多懼。薄止閭邊亭。關歷險程路。霴霽冥隅岫。濛昧江上霧。時涼籟爭吹。流洄浪奔注。惻焉增愁起。搔首東南顧。茫然荒野中。舉目皆凜素。回風揚江泌。寒鳥棲動樹。太息終晨漏。企我歸颺遇。

○上潯陽還都道中

昨夜宿南陵。今日入蘆洲。客行惜日月。崩波不可留。侵星赴早路。畢景逐前儔。鱗鱗夕雲起。獵獵晚風遒。騰沙鬱黃霧。翻浪揚白鷗。登艫眺淮甸。掩泣望荆流。絕目盡平原。時見遠煙浮。倏忽坐還合。俄思甚兼秋。未嘗違戶庭。安能千里遊。誰令乏古節。貽此越鄉憂。

還都至三山望石頭城

泉源安首流。川末澄遠波。晨光被水族。曉氣歇林阿。兩江皎平迴。三山鬱駢羅。南帆望越嶠。北榜指齊河。關扃繞天邑。襟帶抱尊華。長城非壑嶮。峻岵似荆芽。攢樓貫白日。摛堞隱丹霞。征夫喜觀國。遊子遲見家。流連入京引。躑躅望鄉歌。彌前歎景促。逾

近勅路多。偕萃猶如茲。宏易將謂何。

還都口號

分壤蕃帝華。列正藹皇宮。禮讌及時暇。朝奏因歲通。維舟歇金景。結棹俟昌風。鉦歌首寒物。歸吹踐開冬。陰沈煙塞合。蕭瑟涼海空。馳霜急歸節。幽雲慘天容。旌鼓貫玄塗。羽鷁被長江。君王遲京國。遊子思鄉邦。恩世共渝洽。身願兩扳逢。勉哉河濟客。勤爾尺波功。

行京口至竹里

高柯危且竦。鋒石橫復仄。複澗隱松聲。重巖伏雲色。冰閉寒方壯。風動鳥傾翼。斯志逢凋嚴。孤遊值曠逼。兼塗無憩鞍。半菽不遑食。君子樹令名。細人効命力。不見長河水。清濁俱不息。

發後渚

江上氣早寒。仲秋始霜雪。從軍乏衣糧。方冬與家別。蕭條背鄉心。悽愴清渚發。涼埃晦平皋。飛潮隱修樾。孤光獨徘徊。空煙視昇滅。塗隨前峯遠。意逐後雲結。華志分馳年。韶顏慘驚節。推琴三起歎。聲爲君斷絕。

岐陽守風

差池玉繩高。掩藹瑤井沒。廣岸屯宿陰。懸巖棲歸月。役人喜先馳。軍令申早發。洲迴風正悲。江寒霧未歇。飛雲日東西。別鶴方楚越。塵衣孰揮澣。蓬思亂光髮。

發長松遇雪

土牛既送寒。冥陸方浹馳。振風搖地局。封雪滿空枝。江渠合為陸。天野浩無涯。飲泉凍馬骨。斲冰傷役疲。昆明豈不慘。黍谷甯可吹。

詠史

五都矜財雄。三川養聲利。百金不市死。明經有高位。京城十二衢。飛薨各鱗次。任子彰華纓。游客竦輕轡。明星晨未晞。軒蓋已雲至。賓御紛颯沓。鞍馬光照地。寒暑在一

時。

所好生毛羽。所惡成瘡痂。勢利所在變態。須臾故曰寒暑在一時。

繁華及春媚。君平獨寂寞。身世兩相棄。

氣勢

蜀四賢詠

司馬相如

嚴君平

王褒

揚雄

渤渚水浴鳧。春山玉抵鵲。皇漢方盛明。羣龍滿階閣。君平因世閒。得還守寂寞。閉簾注道德。開卦述天爵。相如達生旨。能屯復能躍。陵令無人事。毫墨時灑落。衰氣有逸倫。雅績信炳博。如令聖納賢。金璫易羈絡。良遮神明遊。豈伊尊思作。玄經不期賞。蟲

篆憂散樂。首路或參差。投駕均遠託。身表既非我。生內任豐薄。

○擬古

魯客事楚王。懷金襲丹素。既荷主人恩。又蒙令尹顧。日宴罷朝歸。鞍馬塞衢路。宗黨生光輝。賓僕遠傾慕。富貴人所欲。道德亦何懼。南國有儒生。迷方獨淪誤。伐木清江湄。設置守鳧兔。氣勢。自傷不遇。不如魯客之宦成名遂。

○其二

十五諷詩書。篇翰靡不通。弱冠參多士。飛步游秦宮。側覩君子論。預見古人風。兩說窮舌端。五車摧筆鋒。羞當白璧貺。恥受聊城功。晚節從世務。乘障遠和戎。解佩襲犀渠。卷裘奉盧弓。始願力不及。安知今所終。氣勢。前十句以舌端筆鋒跌宕自喜。晚節四句僅以和戎見長。悼本志之變化。末二句言今之事已異於昔之志。則後之遇當又異於今之事矣。

○其三

幽并重騎射。少年好馳逐。擅帶佩雙鞬。象弧插雕服。獸肥春草短。飛鞚越平陸。朝遊雁門上。暮還樓煩宿。石梁有餘勁。驚雀無全目。關子宋景公使工人為弓九年乃成。公登虎圈之臺而射之。矢踰西霜山。其餘力益勁。猶飲羽於石梁。帝王世紀。帝羿與吳。賀射雀。賀日射其左目。昇誤中右目。仰首而愧。漢虜方未和。邊城屢翻覆。畱我一

白羽將以分虎竹

氣勢。志在立功邊郡。

其四

鑿井北陵隈。百丈不及泉。生事本瀾漫。何用獨精堅。幼壯重寸陰。衰暮及輕年。放駕息朝歌。提爵止中山。日夕登城隅。周迴視洛川。街衢積凍草。城郭宿寒煙。繁華悉何在。宮闕久崩填。空誇齊景非。徒稱夷叔賢。

氣勢

其五

伊昔不治業。倦遊觀五都。海岱饒壯士。蒙泗多宿儒。結髮起躍馬。垂白對講書。呼我升上席。陳觶發飄壺。管仲死已久。墓在西北隅。後面崔嵬者。桓公舊家廬。君來誠旣晚。不覩崇明初。玉琬徒見傳。交友義漸疏。

其六

束薪幽篁裏。刈黍寒澗陰。朔風傷我肌。號鳥驚我心。歲暮井賦訖。程課相追尋。田租送函谷。獸藁輸上林。河渭冰未開。關隴雪正深。笞擊官有罰。呵辱吏見侵。不謂乘軒意。伏櫪還至今。

其七

河畔草未黃。胡雁已矯翼。秋螢扶戶吟。寒婦成夜織。去歲征人還。流傳舊相識。聞君上隴時。東望久歎息。宿昔改衣帶。朝日異容色。念此憂如何。夜長愁更多。明鏡塵匣中。瑤琴生網羅。

其八

蜀漢多奇山。仰望與雲平。陰崖積夏雪。陽谷散秋榮。朝朝見雲歸。夜夜聞猿鳴。憂人本自悲。孤客易傷情。臨堂設樽酒。畱酌思平生。石以堅爲性。君勿輕素誠。

紹古辭

橘生湘水側。菲陋人莫傳。逢君金華宴。得在玉几前。三川窮名利。京洛富妖妍。恩榮難久恃。隆寵易衰偏。觀席妾悽愴。覩翰君泫然。徒抱忠孝志。猶爲葑菲遷。

其二

昔與君別時。蠶妾初獻絲。何言年月駛。寒衣已擣治。絲繡多廢亂。篇帛久塵縑。離心壯爲劇。飛念如懸旗。石席我不爽。德音君勿欺。

其三

瑟瑟涼海風。竦竦寒山木。紛紛羈思盈。慊慊夜絃促。訪言山海路。千里歌別鵠。絃絕

空咨嗟。形音誰賞錄。辛苦異人狀。美貌改如玉。徒畜巧言鳥。不解心款曲。

其四

孤鴻散江嶼。連翩遵渚飛。含嘶衡桂浦。馳顧河朔畿。攢攢勁秋木。昭昭淨冬暉。窗前滌歡爵。帳裏縫舞衣。芳歲猶自可。日夜望君歸。

其五

憑楹玩夜月。迴眺出谷雲。還山路已遠。往海不及羣。徘徊清淮汭。顧慕廣江濱。物情乖喜歇。守操古難聞。三越豐少姿。容態傾動君。

其六

開黛覩朝顏。臨鏡訪遙塗。君子事河源。彌祀闕還書。春風埽地起。飛塵生綺疏。文桂爲誰設。羅帳空卷舒。不怨身孤寂。但念星隱隅。

其七

暖歲節物早。萬萌迎春達。春風夜嫵娟。春霧朝晻靄。軟蘭葉可采。柔桑條易捋。怨咽對風景。悶瞀守閨闈。天賦愁民命。舍生但契闊。憂來無行伍。慙亂如草葛。詩女子善懷亦各有

行似爲明遠此句之所本

學古

北風十二月。雪下如亂巾。實是愁苦節。惆悵憶情親。會得兩少妾。同是洛陽人。鬟髻好眉目。閑麗美暖身。凝盧皎若雪。明淨色如神。驕愛生盼矚。馨媚起朱脣。衿服雜緹績。首飾亂瓊珍。調絃俱起舞。爲我唱梁塵。人生貴得意。懷願待君申。幸值嚴冬暮。幽夜方未晨。齊衾久兩設。角枕已雙陳。願君早休息。畱歌待三春。

古辭

容華不待年。何爲客遊梁。九月寒陰合。悲風斷君腸。歎息空房婦。幽思坐自傷。勞心結遠路。惆悵獨未央。

擬青青陵上柏

涓涓亂江泉。縣縣橫海煙。浮生旅昭世。空事歎華年。書翰幸閒暇。我酌子縈絃。飛鏹出荆路。鷺服指秦川。渭濱富皇居。鱗館匝河山。輿童唱秉椒。櫂女歌采蓮。孚愉鸞閣上。窈窕鳳楹前。娛生信非謬。安用求多賢。

學劉公幹體

欲宦乏王事。結主遠恩私。爲身不爲名。散書徒滿帷。連冰上冬月。披雪拾園葵。聖靈

燭區外。小臣良見遺。

其二

噎噎寒野霧。蒼蒼陰山柏。樹迴霧縈進。山寒野風急。歲物盡淪傷。孤貞爲誰立。賴樹自能貞。不計迹幽澀。

其三

胡風吹朔雪。千里度龍山。集君瑤臺上。飛舞兩楹前。茲晨自爲美。當避豔陽天。豔陽桃李節。皎潔不成妍。以朔雪自比其歲寒皎潔之性以桃李比側媚之子希世取寵者茲晨冬也豔陽天春也

其四

荷生淶泉中。碧葉齊如規。迴風蕩流霧。珠水逐條垂。彪炳此金塘。藻耀君王池。不愁世賞絕。但畏盛明移。藝文作張華

其五

白日正中時。天下共明光。北園有細草。當晝正含霜。衰榮頓如此。何用獨芬芳。抽琴爲爾歌。絃斷不成章。

擬阮公夜中不能寐

漏分不能臥。酌酒亂繁憂。惠氣憑夜清。素景緣隙流。鳴鶴時一聞。千里絕無儔。伫立爲誰久。寂寞空自愁。

學陶彭澤體

奉和王義興

長憂非生意。短願不須多。但使樽酒滿。朋舊數相過。秋風七八月。清露潤綺羅。提瑟當戶坐。歎息望天河。保此無傾動。甯復滯風波。

白雲

採靈喜解骨。測化善騰天。情高不戀俗。厭世樂尋仙。鍊金宿明館。屑玉止瑤淵。鳳歌出林闕。龍駕戾蓬山。凌巖采三露。攀鴻戲五煙。昭昭景臨霞。湯湯風媚泉。命娥雙月際。要媛兩星間。飛虹眺卷河。汎霧弄輕絃。笛聲謝廣賓。神道不復傳。一逐白雲去。千齡猶未旋。

臨川王服竟還田里

送舊禮有終。事君慚懦薄。稅駕罷朝衣。歸志願巢壑。尋思邈無報。退命愧天爵。捨耨將十齡。還得守場藿。道經盈竹筥。農書滿塵閣。愴愴秋風生。戚戚寒緯作。豐霧粲草華。高月麗雲嶸。屏跡勤躬稼。衰疾倚芝藥。顧此謝人羣。豈直止商洛。

○行藥至城東橋

雞鳴關吏起。伐鼓早通晨。嚴車臨迥陌。延瞰歷城闔。蔓草緣高隅。修楊夾廣津。迅風  
首旦發。平路塞飛塵。擾擾遊宦子。營營市井人。懷金近從利。撫劍遠辭親。爭先萬里  
塗。各事百年身。開芳及稚節。含采吝驚春。以草喻人也吝惜也草始而開芳既而含  
彩草極茂則有驚春之象盛極則必衰故  
可惜尊賢永照灼。孤賤長隱淪。容華坐銷歇。端爲誰苦辛。此詩亦感春之屬前十四  
也  
不休末四句言容  
華銷歇不勝感歎

園中秋散

負疾固無豫。晨衿悵已單。氣交蓬門疏。風數園草殘。荒墟半晚色。幽庭憐夕寒。旣悲  
月戶清。復切夜蟲酸。流枕商聲苦。騷殺年志闌。臨歌不知調。發興誰與歡。儻結絃上  
情。豈孤林下彈。

觀圃人藝植

善賈笑蠶漁。巧宦賤農牧。遠養遍關市。深利窮海陸。乘軺實金羈。當壚信珠服。居無  
逸身伎。安得坐梁肉。徒承屬生幸。政緩吏平睦。春畦及耘藝。秋場早芟築。澤閱旣繁  
高。山營又登熟。抱鍤壠上餐。結茅野中宿。空識已尙淳。甯知俗翻覆。

遇銅山掘黃精

土肪閩中經。水芝韜內策。一作籍寶餌緩童年。命藥駐衰歷。矧蓄終古情。重拾煙霧迹。羊角棲斷雲。榼口流隘石。銅谿晝森沈。乳竇夜涓滴。既類風門磴。復像天井壁。蹠蹠寒葉離。濃濃秋水積。松色隨野深。月露依草白。空守江海思。豈懷梁鄭客。得仁古無怨。順道今何惜。

見賣玉器者

竝序

見賣玉器者。或人欲買。疑其是珉。不肯成市。聊作此詩。以戲買者。

涇渭不可雜。珉玉當早分。子實舊楚客。蒙俗謬前聞。安知理孚采。豈識質明溫。我方歷上國。從洛入函轅。揚光十貴室。馳譽四豪門。奇聲振朝邑。高價服鄉村。甯能與爾曹。瑕瑜稍辨論。

懷遠人

哀樂生有端。離會起無因。去事難重念。恍惚似如神。屬期眇起遠。後遇邈無辰。馳風掃遙路。輕羅含夕塵。思君成首疾。欲息眉不伸。

夢歸鄉

玉臺作  
夢還詩

銜淚出郭門。撫劍無人遶。沙風暗空。玉臺起離心眷鄉畿。夜分就孤枕。夢想暫言歸。  
孀婦當戶歎。縑絲復鳴機。慊款論久別。相將還綺闈。厯厯檐下涼。朧朧帷裏暉。刈蘭  
爭芬芳。採菊競葳蕤。開奩奪香蘇。探袖解纓徽。夢中長路近。覺後大江違。驚起空歎  
息。恍惚神魂飛。白水漫浩浩。高山壯巍巍。波瀾異往復。風霜改榮衰。此土非吾土。慄  
慨當告誰。

春羈

征人歎道遐。去鄉悵路迥。佳期每無從。淮陽非尺咫。春日起遊心。勞情出徒倚。岫遠  
雲煙繚。谷屈泉靡迤。風起花四散。露濃條暄妍正在茲。摧抑多嗟思。嘶聲名一作  
召邊堅。豈我箱中紙。染翰餉君琴。新聲憶解子。

歲暮悲

霜露迭濡潤。草木互榮落。日夜改運周。今悲復如昨。晝色苦沈陰。白雪夜迴薄。皎潔  
冒霜鴈。飄揚出風鶴。天寒多顏苦。妍容逐丹壑。絲罥千里心。獨宿之然諾。歲暮美人  
還。寒壺與誰酌。

在江陵歎年傷老

五難未易夷。二命戒淵抱。方瞳起松髓。頰髮疑桂腦。役生良自休。大患安足保。開簾窺景夕。備屬雲物好。翾翾燕弄風。嫋嫋柳垂道。池瀆亂蘋萍。園援美花草。節如驚灰異。零落就衰老。

夜聽妓

夜來坐幾時。銀漢傾露落。澄滄入閨景。葳蕤被園藿。絲管感暮情。哀音遶梁作。芳盛不可恆。及歲共爲樂。天明坐當散。琴酒駛絃酌。

附七言一首

蘭膏消耗夜轉多。亂筵雜坐更絃歌。傾節逐情甯不苦。特爲盛年惜容華。

○翫月城西門廨中

始出西南樓。纖纖如玉鉤。未映東北墀。娟娟似娥眉。娥眉蔽珠櫳。玉鉤隔鎖窗。二五二八時。千里與君同。夜移衡漢落。徘徊帷戶中。歸華先委露。別葉早辭風。客遊厭苦辛。仕子倦飄塵。休澣自公日。宴慰及私辰。選注方言曰慰居也蜀琴抽白雪。郢曲發陽春。肴乾酒未闋。金壺啓夕淪。迴軒駐輕蓋。畱酌待情人。

喜雨

奉敕作

營社達羣陰。屯雲掩積陽。河井起龍蒸。日魄斂遊光。簇雲飛泉室。震風沈羽鄉。升霧  
浹地維。傾潤瀉天潢。平灑周海嶽。曲潦溢川莊。驚雷鳴桂渚。迴涓流玉堂。珍木抽翠  
條。炎卉擢朱芳。關市欣九賦。京廩開萬箱。無謝堯爲君。何用知柏皇。

苦雨

連陰積澆灌。滂沱下霖亂。沈雲日夕昏。驟雨淫朝旦。蹊溜走獸稀。林寒鳥飛晏。密霧  
冥下溪。聚雲屯高岸。野雀無所依。羣雞聚空館。川梁日已廣。懷人邈渺漫。徒酌相思  
酒。空急促明彈。

詠白雪

白珪誠白白。不如雪光妍。工隨物動氣。能逐勢方圓。無妨玉顏媚。不奪素繒鮮。投心  
障苦節。隱迹避榮年。蘭焚石旣斷。何用恃芳堅。

三日

氣暄動思心。柳青起春懷。時豔憐花藥。服淨俛登臺。提壺野中飲。愛心煙未開。露色  
染春草。泉源潔冰苔。泥泥濡露條。嫋嫋承風裁。鳧雛掇苦薺。黃鳥銜櫻梅。解衿欣景  
預。臨流競覆杯。美人竟何在。浮心空自摧。

詠秋

秋蘭徒晚綠。流風漸不親。飄我垂恩幕。驚此梁上塵。沈陰安可久。豐景將遂淪。何由忽靈化。暫見別離人。

秋夕

慮涕擁心用。夜默發思機。幽閨溢涼吹。閒庭滿清暉。紫蘭花已歇。青梧葉方稀。江上淒海戾。漢曲驚朔霏。髮斑悟壯晚。物謝知歲微。臨宵嗟獨對。撫賞怨情違。躊躇空明月。惆悵徒深帷。

秋夜

夜久膏旣竭。啟明旦未央。環情倦始復。空閨起晨裝。幸承天光轉。曲影入幽堂。徘徊集通隙。宛轉燭迴梁。帷風自卷舒。簾露視成行。歲役急窮晏。生慮備溫涼。絲紈夙染濯。絲絲夜裁張。冬雪旦夕至。公子乏衣裳。華心愛零落。非直惜容光。願君翦眾志。且共覆前觴。

其二

遁跡避紛喧。貨農棲寂寞。荒徑馳野鼠。空庭聚山雀。旣遠人世歡。還賴泉卉樂。折柳

樊場圃。貞綆汲潭壑。霽日見雲峯。風夜聞海鶴。江介早寒來。白露先秋落。麻壘方結  
葉。瓜田已掃籜。傾暉忽西下。迴景思華幕。攀蘿席中軒。臨觴不能酌。終古自多恨。幽  
悲共淪鑠。

和王護軍秋夕

散漫秋雲遠。蕭蕭霜月寒。驚颿西北起。孤鴈夜往還。開軒當戶牖。取琴試一彈。停歌  
不能和。終曲久辛酸。金氣方勁殺。隆陽微且單。泉涸甘井竭。節徙方歲殘。生事各多  
少。誰共知易難。投章心蘊結。千里途輕紉。願託孤老暇。觴思暫開餐。

和王義興七夕

宵月向掩扉。夜霧方當白。寒機思孀婦。秋堂泣征客。匹命無單年。偶影有雙夕。暫交  
金石心。須臾雲雨隔。

冬至

舟遷莊甚笑。水流孔急歎。景移風度改。日至晷迴換。眇眇負雙鶴。皎皎帶雲雁。長河  
結瓓珥。層冰如玉岸。哀哀古老容。慘顏愁歲晏。催促時節過。逼迫聚離散。美人還未  
央。鳴箏誰與彈。

冬日

巖風亂山起。白日欲還次。曛霧蔽窮天。夕陰晦寒地。煙霾有氛氲。精光無明異。風急野田空。饑禽稍相棄。含生共通閉。懷賢敦爲利。天窺苟平圓。甯得已偏媚。瀉海有歸潮。衰容不還穉。君今日且安歌。無念老方至。

望水

刷鬢垂秋日。登高觀水長。千澗無別源。萬壑共一廣。流駛巨石轉。湍迴急沫上。蒼蒼嶺岸高。照照寒洲爽。東歸難忖惻。日逝誰與賞。臨川憶古事。日孱千載想。河伯自矜大海若。沈渺莽。

望孤石

江南多暖谷。雜樹茂寒峯。朱華抱白雪。陽條熙朔風。蚌節流綺藻。輝石亂煙虹。泄雲去無極。馳波往不窮。嘯歌清漏畢。徘徊朝景終。浮生會當幾。歡酌每盈衷。

山行見孤桐

桐生藜石裏。根孤地寒陰。上倚崩岸勢。下帶洞阿深。奔泉冬激射。霧雨夏霖霖。未霜葉已肅。不風條自吟。昏明積苦思。晝夜叫哀禽。棄妾望掩淚。逐臣對撫心。雖以慰單

危悲涼不可任。幸願見雕斲。爲君堂上琴。

詠雙燕

雙燕戲雲崖。羽翰始差池。出人南閨裏。經過北堂墀。意欲巢君幕。層楹不可窺。沈吟芳歲晚。徘徊韶景移。悲歌辭舊愛。銜淚覓新知。

其二

可憐雲中燕。旦去暮來歸。自知羽翅弱。不與鵠爭飛。寄聲謝飛鵠。往事子毛衣。瑣心誠貧薄。叵吝節榮衰。陰山饒苦霧。危節多勁威。豈但避霜雪。當做野人機。

樂府詩集尚有梅花落一首五言七言 淮南王一首長短句 白紵歌六首七言七句 雉朝飛操一首三言七言 北風行一首長短句 春日行一首七言

三句 鳴雁行一首七言六句 空城雀一首四言五言 行路難十九首長短句 夜坐吟一首長短句均以非五言古故未鈔 又王昭君一首五言四句

吳歌三首各五言四句 採菱歌七首各五言四句 幽蘭五首各五言四句 中興歌十首各五言四句均未鈔 外文選尚有數詩一首五言二十句亦

未鈔

謝元暉五古一百十八首

文選錄者以○識之樂 府詩集錄者以△識之

隋王鼓吹曲十首

齊永明八年奉鎮西隋王教於荊州道中作鈞天以上三曲頌帝功德校獵以上三曲頌藩德

△元會曲

二儀啟昌曆。三陽應慶期。珪贄紛成序。鞞譯憬來思。分階施組練。充庭羅翠旗。觴流白日下。吹溢景雲滋。天儀穆藻殿。萬寓壽皇基。

△郊祀曲

六宗禋配岳。五時奠甘泉。整蹕遊九闕。清籥開八埏。鏘鏘玉鑾動。溶溶金障旋。郊宮光已屬。升柴禮既虔。福響靈之集。南嶽固斯年。

△鈞天曲

高宴顛天臺。置酒迎風觀。笙鏞禮百神。鍾石動雲漢。瑤堂琴瑟驚。綺席舞衣散。威鳳來參差。玄鶴起凌亂。巴慶明庭樂。詎慙南風彈。

△入朝曲

江南佳麗地。金陵帝王州。逶迤帶綠水。迢遞起朱樓。飛薨夾馳道。垂楊蔭御溝。凝笳翼高蓋。疊鼓送華輈。獻納雲臺表。功名良可收。

△出藩曲

雲披紫微內。分組承明阿。飛艗遡極浦。旌節出關河。渺渺蒼山色。沈沈寒水波。鏡音巴渝曲。簫鼓盛唐歌。夫君邁惟德。江漢仰清和。

△校獵曲

凝霜冬十月。殺盛涼颯哀。原澤曠千里。騰騎紛往來。平望望煙合。烈火從風迴。殪獸華容浦。張樂荆山臺。虞人昔有諭。明明時戒哉。

△從戎曲

選旅辭輶軒。弭節赴河源。日起霜戈照。風迴連騎翻。紅塵朝夜合。黃沙萬里昏。寥戾清笳轉。蕭條邊馬煩。自勉輟耕願。征役去何言。

△送遠曲

北梁辭歡宴。南浦送佳人。方衢控龍馬。平路騁朱輪。瓊筵妙舞絕。桂席羽觴陳。白雲邱陵遠。山川時未因。一爲清吹激。潺湲傷別巾。

△登山曲

天明開秀粵。瀾光媚碧隄。風盪飄鶯亂。雲行芳樹低。暮春春服美。遊駕凌丹梯。升嶠旣小魯。登巒且悵齊。王孫尙遊衍。蕙草正萋萋。

△泛水曲

玉露霑翠葉。金風鳴素枝。罷遊平樂苑。泛鷁昆明池。旌旗散容裔。蕭管吹參差。日晚

厭遵渚採菱贈清漪百年如流水寸心甯共知

以上應隋王教十首

△江上曲

易陽春草出踟躕日已暮蓮葉尚田田淇水不可渡願子淹桂舟時同千里路千里既相許桂舟復容與江上可採菱清歌共南楚

△蒲生行

蒲生廣湖邊託身洪波側春露惠我澤秋霜縛我色根葉從風浪常恐不永植攝生各有命豈云智與力安得遊雲上與爾同羽翼

△詠邯鄲才人嫁爲廝養卒婦

生平宮閣裏出入侍丹墀開笥方羅縠窺鏡比蛾眉初別意未解去久日生悲憔悴不自識嬌羞餘故姿夢中忽髣髴猶言承燕私

鼓吹曲二首同沈右率諸公賦

△芳樹

樂府解題曰古詞中有妬人之子愁殺人君有他心樂不可禁若齊王融謝朓之作但言時暮眾芳歇絕而已

早翫華池陰復鼓滄洲柅椅柅芳若斯歲蕤紛可結霜下桂枝銷怨與飛蓬折不厠玉盤滋誰憐終委絕

△臨高臺

千里常思歸。登臺臨綺翼。纔見孤鳥還。未辨連山極。四面動清風。朝衣起寒色。誰知倦遊者。嗟此故鄉憶。

同賦雜曲名

時為宣城守檀秀才諸君同賦

秋竹曲

嫵媚綺窗北。結根未參差。從風既裊裊。映日頗離離。欲求棗下吹。別有江南枝。但能凌白雪。貞心蔭曲池。

△曲池水

緩步遵莓渚。披衿待蕙風。芙蓉舞輕帶。苞筍出芳叢。浮雲自西北。江海思無窮。鳥去能傳響。見我綠琴中。

△銅爵臺同謝諮議賦

諮議名璟。樂府詩集題曰銅雀妓。

總帷飄井幹。樽酒若平生。鬱鬱西陵樹。詎聞歌吹聲。芳襟染淚迹。嬋娟空復情。玉座猶寂寞。况乃妾身輕。  
情韻

遊山

託養因支離。乘閒遂疲蹇。語默良未尋。得喪云誰辨。幸涖山水都。復值清冬緬。凌崖必千仞。尋壑將萬轉。堅崿旣峻嶒。迴流復宛澶。杳杳雲竇深。淵淵石溜淺。芻眺鬱篔簹。還望森枌榎。荒隩被葳蕤。崩壁帶苔蘚。鼯狖叫層岷。鷗鳧戲沙衍。觸賞聊自觀。卽趣咸已展。經目惜所遇。前路欣方踐。無言蕙草歇。畱垣芳可搴。尙子時未歸。邴生思自免。永志昔所欽。勝迹今能選。寄言賞心客。得性良爲善。

遊敬亭山

茲山互百里。合沓與雲齊。隱淪旣已託。靈異居然棲。上干蔽白日。下屬帶迴谿。交藤荒且蔓。樛枝聳復低。獨鶴方朝唳。饑鼯此夜啼。溟雲已漫漫。夕雨亦淒淒。我行雖紆阻。兼得尋幽蹊。緣源殊未極。歸徑窅如迷。要欲追奇趣。卽此凌丹梯。皇恩竟已矣。茲理庶無睽。工律

將遊湘水尋句溪

旣從陵陽釣。挂鱗驂赤螭。方尋桂水源。謁帝蒼山垂。辰哉且未會。乘景弄清漪。瑟汨瀉長澗。潺湲赴兩歧。輕蘋上靡靡。雜石下離離。寒草分花映。戲鮪乘空移。興以暮秋月。清霜落素枝。魚鳥余方翫。纓綏君自縻。及茲暢懷抱。山川長若斯。

○遊東田

眺有莊在鍾山東遊還作

戚戚苦無悰。攜手共行樂。尋雲陟累榭。隨山望菌閣。遠樹曖仟仟。生煙紛漠漠。魚戲新荷動。鳥散餘花落。不對芳春酒。還望青山郭。

答王世子

飛雪天上來。飄聚繩樞外。蒼雲暗九重。北風吹萬籟。有酒招親朋。思與清顏會。熊席惟爾安。羔裘豈吾帶。公子不垂堂。誰肯憐蕭艾。

答張齊興

荆山從百里。漢廣流無極。北馳星斗正。南望朝雲色。川隰同幽快。冠冕異今昔。子肅兩歧功。我滯三冬職。誰知京洛念。髣髴昆山側。向夕登城濠。潛地隱復直。地迴聞遙蟬。天長望歸翼。清文忽景麗。思泉紛寶飾。勿言修路阻。勉子康衢力。曾厓寂且寥。歸軫逝言陟。

○暫使下都夜發新林至京邑贈西府同僚

蕭子顯齊書曰謝眺為隋王子隆文

以才文尤被賞愛長史王秀之以眺年少相動密以啟聞世祖敕眺可還都眺道中為詩以寄西府

大江流日夜。客心悲未央。徒念關山近。終知返路長。秋河曙耿耿。寒渚夜蒼蒼。引領

見京室宮雉正相望。金波麗鳩鵲。玉繩低建章。驅車鼎門外。思見昭邱陽。成王定鼎於郊。鄒其

南門名定鼎門。此借用以指建康之南門。昭邱指荊州。馳暉不可接。何況隔兩鄉。風雲有鳥路。江漢限無梁。常

恐鷹隼擊。時菊委嚴霜。寄言尉羅者。寥廓已高翔。情韻

○酬晉安王德元晉安郡太康三年置即今之泉州也

稍稍枝早勁。塗塗露晚晞。南中榮橘柚。甯知鴻鴈飛。拂霧朝青閣。日旰坐彤闈。悵望一途阻。參差百慮依。春草秋更綠。公子未西歸。誰能久京洛。緇塵染素衣。

○郡內高齋閒望答呂法曹郡宣城郡也

結構何迢遞。曠望極高深。窗中列遠岫。庭際俯喬林。日出眾鳥散。山暝孤猿吟。已有池上酌。復此風中琴。非君美無度。孰為勞寸心。惠而能好我。問以瑤華音。若遺金門

步。見就玉山岑。工律。若字有倘能之意。

○在郡臥病呈沈尚書

淮陽股肱守。高臥猶在茲。况復南山曲。何異幽棲時。連陰盛農節。臺笠聚東菑。高閣常晝掩。荒堦少諍辭。修簟清夏室。輕扇動涼颼。嘉魴聊可薦。綠蟻方獨持。夏李沈朱實。秋藕折輕絲。良辰竟何許。夙昔夢佳期。坐嘯徒可積。為邦歲已期。絃歌終莫取。撫

枕令自嗤工律

別王丞僧孺

首夏猶清和。餘春滿郊甸。花樹雜為錦。月池皎如練。如何當此時。別離言與宴。留襍已鬱紆。行舟亦遙衍。非君不見思。所悲思不見。工律

同羈夜集

積念隔炎涼。驪言始今夕。已對濁樽酒。復此故鄉客。霜月始流砌。寒蛸早吟隙。幸藉京華遊。邊城讌良席。樵采咸共同。荆莎聊可藉。恐君城闕人。安能久松柏。

新亭渚別范零陵雲

洞庭張樂地。瀟湘帝子遊。雲去蒼梧野。水還江漢流。洞庭瀟湘皆范赴零陵經過之道。蒼梧則更在零陵之南。故曰

雲去零陵之水。必須由江漢。金陵以東入於海。故曰水還。停驂我悵望。輟棹子夷猶。廣平聽方籍。茂陵將見求。言

同廣平而聲聽。方向籍己當居茂陵之下。將於彼而見求。王隱晉書曰。鄭表字林叔。為中郎散騎常侍。會廣平太守缺。宣帝謂表曰。賢叔大匠。渾垂稱於平陽。魏郡蒙惠。

化且盧子家王子。邕繼踵此郡。欲使世不之賢。故復相屈在郡。先以德化善為。心事條教。百姓愛之。鄭玄毛詩箋曰。方向也。漢書曰。司馬相如既病。免家居茂陵。

俱已矣。江上徒離憂。情韻

忝役湘州與宣城吏民別

弱齡倦舊履薄晚忝華輿閒沃盡地區山泉諸所好幸遇昌化穆淳俗罕驚暴四時  
從偃息三省無侵冒下車遽暄席卽暖席也後世所譏虬戶銑溪亦此類耳紆服始黔竈榮辱未遑敷德  
禮何由導汨祖奉南岳兼秩典邦號疲馬方云驅鉛刀安可操平聲齊梁時尙不分遺惠良寂  
寞恩靈亦匪報桂水日悠悠結言幸相勞吐納貽爾和窮通勗所蹈

懷故人

芳洲有杜若可以贈佳期望望忽超遠何由見所思行行未千里山川已閒之離居  
方歲月故人不在此清風動簾夜孤月照窗時安得同攜手酌酒賦新詩

始之宣城郡

下帷闕章句高談媿名理疏散謝公卿蕭條依掾史簪髮逢嘉會教義承君子心迹  
苦未并憂歡將十祀幸沾雲雨慶方轡參多士振鷺徒追飛羣龍難隸齒烹鮮止貪  
競共治屬廉恥伊余昧損益何用祇千里解劍北宮朝息駕南川涘甯希廣平詠聊  
慕華陰市棄置宛洛遊多謝金門裏招招漾輕楫行行趨巖趾江海雖未從山林於  
此始

之宣城郡出新林浦向板橋

江路西南永歸流。東北驚天際。識歸舟。雲中辨江樹。旅思倦。搖搖孤遊。昔已屢。既歡懷。祿情復。協滄洲。趣。囂塵自茲隔。賞心於此遇。雖無玄豹姿。終隱南山霧。情韻

○休沐重還丹陽道中

薄遊第從告。思閒願罷歸。還邛歌賦似。休汝車騎非。灞池不可別。伊川難重違。汀葭稍靡靡。江葵復依依。田鵠遠相叫。沙鴉忽爭飛。雲端楚山見。林表吳岫微。試與征徒望。鄉淚盡沾衣。賴此盈樽酒。含景望芳菲。問我勞何事。沾沐仰清徽。志狹輕軒冕。恩甚戀閨闈。歲華春有酒。初服偃郊扉。

○京路夜發

擾擾整夜裝。肅肅戒徂兩。曉星正寥落。晨光復瀼瀼。猶沾餘露團。稍見朝霞上。故鄉邈已曩。山川修且廣。文奏方盈前。懷人去心賞。敕躬每踟躕。瞻恩惟震蕩。行矣倦路長。無由稅歸鞅。

○晚登三山還望京邑

灞涘望長安。河陽視京縣。以灞陵河陽比三山以長安洛陽比石頭城白日麗飛甍。參差皆可見。餘霞散成綺。澄江靜如練。喧鳥覆春洲。雜英滿芳甸。去矣方滯淫。懷哉罷歡宴。佳期悵何許。

淚下如流霰有情知望鄉誰能鬢不變情韻

始出尚書省肱兼尚書殿中郎高宗輔政以肱為諮議領記室故出尚書省也

惟昔逢休明十載朝雲陛既通金閨籍復酌瓊筵醴宸景厭昭臨昏風淪繼體紛虹  
亂朝日濁河穢清濟防口猶寬政餐茶更如薺英袞暢人謀文明固天啟青精翼紫  
軼黃旗映朱邸還覩司隸章復見東都禮中區咸已泰輕生諒昭洒音洗趨事辭宮闕  
載筆陪旌棨邑里向疏蕪寒流自清泚衰柳尚沈沈凝露方泥泥零落悲友朋歡娛  
燕兄弟既秉丹石心甯流素絲涕因此得蕭散垂竿深澗底逢休明謂齊武帝時也  
宸景句謂武帝崩也繼  
體句指鬱林王昭業也英袞二句謂明帝廢鬱林王海陵王而即位也明帝即高宗  
也輕生似肱自稱之辭猶自稱微生小生也辭宮闕出尚書省也陪旌棨為諮議領  
記室也

直中書省

紫殿肅陰陰彤庭赫弘敞風動萬年枝日華承露掌玲瓏結綺錢深沈映朱網紅藥  
當階翻蒼苔依砌上茲言翔鳳池鳴佩多清響信美非吾室中園思偃仰朋情以鬱  
陶春物方駘蕩安得凌風翰聊恣山泉賞工律

觀朝雨

朔風吹飛雨。蕭條江上來。既灑百常觀。復集九成臺。空濛如薄霧。散漫似輕埃。平明振衣坐。重門猶未開。耳目暫無擾。懷古信悠哉。戢翼希驥首。乘流畏曝鰓。動息無兼遂。歧路多徘徊。方同戰勝者。去翦北山萊。識度

宣城郡內登望

借問下車日。匪直望舒圓。寒城一以眺。平楚正蒼然。山積陵陽阻。溪流春穀泉。威紆距遙甸。巉岳帶遠天。切切陰風暮。桑柘起寒煙。悵望心已極。倘悅魂屢遷。結髮倦爲旅。平生早事邊。誰規鼎食盛。甯要狐白鮮。方棄汝南諾。言稅遼東田。識度。續漢書曰汝南太守南

陽宗資任用范滂時人謠曰汝南太守范孟博南陽宗資主畫諾魏志曰管甯聞公孫度令行海外遂至於遼東皇甫謐高士傳曰人或牛暴甯田者甯爲爲牽牛著涼處自飲食也

冬日晚郡事隙

案牘時閒暇。偶坐觀卉木。颯颯滿池荷。脩脩蔭窗竹。簷隙自周流。房櫳閒且肅。蒼翠望寒山。崢嶸瞰平陸。已惕暮歸心。復傷千里目。風霜日夕甚。蕙草無芬馥。云誰美笙簧。孰是厭蒞軸。願言稅逸駕。臨潭餌秋菊。

高齋視事

餘雪映青山。寒霧開白日。曖曖江村見。離離海樹出。披衣就清盥。憑軒方秉筆。列俎歸單味。連駕止容膝。空爲大國憂。紛詭諒非一。安得埽荒逕。鎖吾愁與疾。

冬緒羈懷示蕭諮議虞田曹劉江二常侍

去國懷邱園。入遠滯城闕。寒燈耿宵夢。清鏡悲曉髮。風草不留霜。冰池共如月。寂寞此間帷。琴樽任所對。客坐念嬋媛。年華稍菴蕪。夙慕雲澤遊。共奉荆臺績。一聽春鶯喧。再視秋鴻沒。疲驂良易返。恩波不可越。誰慕臨淄鼎。常希茂陵渴。依隱幸自從。求心果蕪昧。方軫歸與願。故山芝未歇。

落日悵望

昧旦多紛喧。日晏未遑舍。落日餘清陰。高枕東窗下。寒槐漸如束。秋菊行當把。借問此何時。涼風懷朔馬。已傷歸慕客。復思離居者。情嗜幸非多。案牘偏爲寡。旣乏瑯琊政。方憩洛陽社。

賽敬亭山廟喜雨

夕悵懷椒糈。蠲景潔膏蕪。登秋雖未獻。望歲伫年祥。潭淵深可厲。狹邪車未方。朦朧度絕限。出沒見林堂。秉玉朝羣帝。樽桂迎東皇。排雲接虬蓋。蔽日下霓裳。會舞紛瑤

席安歌。遶鳳梁。百味芬綺帳。四座沾羽觴。福被延民澤。樂極思故鄉。登山騁歸望。原雨晦茫茫。胡甯昧千里。解珮拂山莊。

賦貧民田

假遇非將迎。靖共延殊慶。中歲歷三臺。旬月典邦政。曾是共治情。敢忘卹貧病。將無富教禮。孰有知方性。敦本抑工商。均業省兼併。察壤見泉脈。覘星視農正。黍稷緣高殖。穉稂卽卑盛。舊埒新塍分。青苗白水映。遙樹匝清陰。連山周遠淨。卽此風雲佳。孤觴聊可命。旣違三載道。庶藉兩歧詠。俾爾倉廩實。余從谷口鄭。

移病還園示親屬

疲策倦人世。斂性就幽蓬。停琴仁涼月。滅燭聽歸鴻。涼薰乘暮晰。秋華臨夜空。葉低知露密。巖斷識雲重。折荷葺寒袂。開鏡照衰容。海暮騰清氣。河關祕棲沖。煙衡時未歇。芝蘭去相從。工律

治宅

結宇夕陰街。荒幽橫九曲。迢遞南川陽。迤邐西山足。闕館臨秋風。敞窗望寒旭。風碎池中荷。霜翦江南菽。旣無東都金。且稅東臯粟。

秋夜講解

四緣去誰肇。七識習未央。沈沈倒營魄。苦蔭蹙愁腸。琴瑟徒爛漫。姱容空滿堂。春顏遽幾日。秋壘終茫茫。孰云濟沈溺。假願託津梁。惠唱摘泉湧。妙演發金相。空有定無執。實實固相忘。自來乘首夏。及此申暮霜。雲物清晨景。衣巾引夕涼。風振蕉蓬裂。露下梧楸傷。六龍且無借。二相甯久長。何時接靈應。及子同舟航。

春思

茹谿發春水。毗山起朝日。蘭色望已同。萍際轉如一。巢燕聲上下。黃鳥弄儔匹。邊郊阻遊衍。故人盈契闊。夢寐借假簧。思歸賴倚瑟。幽念漸鬱陶。山楹永爲室。

秋夜

秋夜促織鳴。南鄰搗衣急。思君隔九重。夜夜空佇立。北窗輕幔垂。西戶月光入。何知白露下。坐視階前溼。誰能長分居。秋盡冬復及。

和何議曹郊遊

春心澹容與。挾戈步中林。朝光映紅萼。微風吹好音。江垂得清賞。江垂猶云江邊山際果幽尋。未嘗遠離別。知此愜歸心。流沂終靡已。嗟行方至今。

其二

江皋倦遊客。薄暮懷歸者。揚舫浮大川。惆悵至日下。霍靡青莎被。潺湲石溜瀉。寄語持笙簧。舒憂願自假。歸途豈難涉。翻同江上夏。

和劉西曹望海臺

滄波不可望。望極與天平。往往孤山映。處處春雲生。差池遠雁沒。颯沓羣鳥驚。囂塵及簿領。棄捨出重城。臨川徒可羨。結網庶時營。

和宋記室省中

落日飛鳥遠。憂來不可及。竹樹澄遠陰。雲霞成異色。懷歸欲乘電。瞻言思解翼。清揚婉禁居。祕此文墨職。無歎阻琴樽。相從伊水側。

和王著作融八公山

二別阻漢坻。雙嶠望河澳。茲嶺復嶢峴。分區奠淮服。東限琅瑯臺。西距孟諸陸。阡眠起雜樹。檀欒蔭修竹。日隱澗疑空。雲聚岫如複。出沒眺棲雉。遠近送春日。戎州昔亂華。素景淪伊穀。跼危賴宗衮。微管寄明牧。長蛇固能剪。奔鯨自此曝。道峻芳塵流。業遙年運倏。平生仰令圖。吁嗟命不淑。浩蕩別親知。連翩戒征軸。再遠館娃宮。兩去河

陽谷風煙四時犯。霜雨朝夜沐。春秀良已凋。秋場庶能築。工律。○周禮曰正東曰青

山之東而云西者。避上文耳。素景晉也。伊穀洛陽也。淪者謂懷愍陷於賊。庭宗衮指謝安明牧。指謝玄春秀句謂年華已逝。秋場句謂終當歸田。

### 和伏武昌登孫權故城

伏曼容為武昌太守

炎靈遺劍璽。當塗駭龍戰。聖期缺中壤。霸功興寓縣。鵲起登吳山。鳳翔凌楚甸。衿帶

窮巖險。帷帟盡謀選。北拒溺驂鑣。謂周瑜破曹操於赤壁西龕收組練。謂陸遜破劉江海既無

波。俯仰流英眇。裘冕類禋郊。卜揆崇離殿。卜揆用詩卜云其吉揆之。以日指吳相宅於武昌也。釣臺臨講閱。樊

山開廣譙。文物共葳蕤。聲明且蔥蒨。三光厭分景。書軌欲同薦。參差世祀忽。寂寞市

朝變。舞館識餘基。歌梁想遺囀。故林衰木平。荒池秋草徧。雄圖悵若茲。茂宰深遐睭。

指伏曼容幽客滯江皋。眺自從賞乖纓弁。清卮阻獻酬。良書限聞見。幸藉芳音多。承風采

餘絢。于役倘有期。鄂渚同遊衍。工律

### 夏始和劉孱陵

威仰弛蒼郊。龍曜表皇隲。春色卷遙甸。炎光麗近邑。白蘋望已騁。緗荷紛可襲。徒願

尺波旋。終憐寸景戢。對窗斜日過。洞幌鮮飗入。浮雲去欲窮。暮鳥飛相及。柔翰縝芳

塵。清源非易揖。迴江難絕濟。云誰暢伫立。良宰勗夜漁。出入事朝汲。積羽余既裳。更

賦子盈粒。椅梧何必零。歸來共棲集。

新治北窗和何從事

國少暇日多。民瀆紛務屏。闢牖期清曠。開簾候風景。泱泱日照溪。團團雲去嶺。岩崑  
蘭橈峻。駢闐石路整。池北樹如浮。竹外山猶影。自來彌弦望。及君臨箕穎。清文蔚且  
詠。微言超已領。不見城濠側。思君朝夕頃。迴舟方在辰。何以慰延頸。

和王主簿季哲怨情

掖庭聘絕國。長門失歡宴。相逢詠薜蘿。辭寵悲團扇。花叢亂數蝶。風簾入雙燕。徒使  
春帶賒。坐惜紅妝變。生平一顧重。病昔千金賤。故人心尚爾。故人心不見。

和徐都曹出新亭渚

徐名勉

宛洛佳遊遊。春色滿皇州。結軫清郊路。迴瞰蒼江流。日華川上動。風光草際浮。桃李

成蹊徑。桑榆蔭道周。東都已倣載。言歸望綠疇。

工律

和劉中書

劉名繪。有入琵琶峽。望積布磯詩。

昔余侍君子。歷此遊荆漢。山川隔舊賞。朋僚多雨散。圖南矯風翮。曾非息短翰。移疾  
覲新篇。披衣起淵翫。惆悵懷昔踐。彷彿得殊觀。赭紫共彬駁。雲錦相凌亂。奔星上未

窮驚雷下將半。迴潮瀆崩樹。輪困軋傾岸。巖篠或傍翻。石筍無脩幹。澄澄明浦媚。衍  
衍清風爛。江潭良在目。懷賢興累歎。歲暮不我期。淹畱絕巖畔。

贈王主簿

日落窗中坐。紅妝好顏色。舞衣襞未縫。流黃覆不織。蜻蛉草際飛。遊蜂花上食。一遇  
長相思。願寄連翩翼。

其二

清吹要碧玉。調絃命綠珠。輕歌急綺帶。含笑解羅襦。餘曲詎幾許。高駕且踟躕。徘徊  
韶景暮。惟有洛城隅。

和蕭中庶直石頭

蕭衍梁武帝也

九河互積阻。二嶽鬱旁眺。皇州總地德。回江款巖微。并幹赭蒼林。雲薺蔽層嶠。川霞  
旦上薄。山光晚餘照。翔集亂歸燕。虹蜺紛引曜。君子奉神略。瞰迴憑重峭。彈冠已藉  
甚。升車益英妙。功存漢冊書。榮竝周庭燎。汲疾移偃息。董園倚談笑。麾旆一悠悠。謙  
姿光且劭。讌嘉多暇日。興文起淵調。日余廁鱗羽。滅景從漁釣。澤渥資投分。逢迎典  
待詔。詠沼邈含毫。專城空坐嘯。徒慚皇覽揆。終延曲士誚。方追隱淪訣。偶解金丹要。

若偶巫咸招。帝閭良可叫。

奉和竟陵王同沈右率過劉先生墓

竟陵王蕭子良也。劉先生劉焯也。

嘉樹因枝條。琢玉良可寶。若人陵曲臺。垂帷茂淵道。善誘宗學原。鳴鐘霽幽抱。仁風徂宛洛。清徽夜何早。歲晚結松陰。平原亂秋草。木有不至言。揚終滯西山老。

和王長史臥病

王秀之

嶧岫款崇崖。派別朝洪河。兔園文雅盛。章臺冠蓋多。淵襟眷眷岳。變贊動毗歌。顧影慚駢服。載筆旅江沱。縞衣分可獻。琴言曖已和。青皋向還色。春潤視生波。巖垂變好鳥。垂猶也。松上改陳蘿。日與歲眇邈。歸恨積蹉跎。願緝吳山杜。甯袂楚池荷。清風豈孤劭。功遂懷曾阿。勿藥良有暢。荏苒芳未過。幸畱清樽味。言藉故田莎。

和江丞北戍琅邪城

江丞名孝嗣

春城麗白日。阿閣跨層樓。蒼江忽渺渺。驅馬復悠悠。京洛多塵霧。淮濟未安流。豈不思撫劍。惜哉無輕舟。夫君良自勉。歲暮勿淹留。

和沈祭酒行園

沈約

清淮左長薄。荒徑隱高蓬。回潮日夕上。寒渠左右通。霜畦紛綺錯。秋町鬱蒙茸。環梨

懸已紫。珠榴折且紅。君有棲心地。伊我歡既同。何用甘泉側。玉樹望青蔥。

奉和隋王殿下

隋郡王  
蕭子隆

玄冬寂脩夜。天圍靜且開。亭皋霜氣愴。松宇清風來。高琴時以思。幽人多感懷。幸藉汾陽想。嶺首正徘徊。

其二

高秋夜方靜。神居肅且深。閒階塗廣路。涼宇澄月陰。嬋娟影池竹。疏蕪散風林。淵情協爽節。詠言興德音。闇道空已積。干直愧蓬心。

其三

愴愴緒風興。祁祁族雲布。嚴氣集高軒。稠陰結寒樹。日月謬論思。朝夕承清豫。徒藉小山文。空揖章臺賦。

其四

星回夜未艾。洞房凝遠情。雲陰滿池榭。中月懸高城。喬木含風霧。行雁飛且鳴。平臺盛文雅。西園富羣英。芳慶良永矣。君王嗣德聲。眷此伊洛詠。載懷汾水情。顧己非麗則。恭惠奉仁明。觀淄詠已失。憮然愧簪纓。

其五

肅景遊清都。修簪侍蘭室。累榭疎遠風。廣庭麗朝日。穆穆神儀靜。悒悒道言密。一殮繫靈表。無吝科年厯。

其六

神心遺魏闕。中想顧汾陽。肅景懷辰豫。捐珎翦山楊。時惟清夏始。雲景曖含芳。月陰洞野色。日華麗池光。草合亭皋遠。霞生川路長。端坐聞鶴引。靜瑟愴復傷。懷哉泉石思。歌詠鬱瓊相。春塘多迭駕。言從伊與商。袞職眷英覽。獨善伊何忘。願輟東都遠。弘道侍云梁。

其七

清房洞已靜。閒風伊夜來。雲生樹陰遠。軒廣月容開。宴私移燭飲。遊賞藉琴臺。風猷冠淄鄴。衽烏愧唐枚。

其八

方池含積水。明月流皎鏡。規荷承日泣。影鱗與風泳。上善叶淵心。止川測動性。幸是方春來。側點遊濠盛。

其九

浮雲西北起。飛來下高堂。合散輕帷表。飄舞桂臺陽。遙階收委羽。平地如夜光。眷言金玉照。顧慚蘭蕙芳。

其十

睿心重離析。歧路清江隈。四面寒飈舉。千里白雲來。川長別管思。地迴翻旗回。還顧昭陽闕。超遠章華臺。置酒巫山日。爲君停玉杯。

其十一

桂樓飛絕限。超遠向江歧。輕寒霽廣甸。微風散清漪。連連絕雁舉。渺渺青煙移。巖城亂芸草。霜塘凋素枝。氣爽深遙矚。豫永聊停曦。卽已終可悅。盈尊且若斯。

其十二

炎光缺風雅。宗霸拯時淪。龍德待雲霧。令圖方再晨。歲遠荒城思。霜華宿草陳。英威遽如是。徘徊歧路人。

其十三

念深冲照廣。業闡清化玄。端儀穆金殿。敷教藻瓊筵。船湛輕帷靄。磬轉芳風旋。卷轡

棲道樹。方津棹法舫。歸興憑大造。昭塗良易筌。

其十四

分悲玉瑟斷。別緒金樽傾。風入芳帷散。缸華蘭殿明。想折中園草。共知千里情。行雲故鄉色。贈此一離聲。

其十五

年華豫已滌。夜艾賞方融。新萍時合水。弱草未勝風。閨幽瑟易響。臺迴月難中。春物廣餘照。蘭萱佩未窮。

其十六

連漪映餘雪。嚴城限深霧。清寒起洞門。東風急池樹。神居望已肅。徘徊舉冲趣。棲歸如遲詠。邱山不可屢。

和紀參軍服散得益

金液稱九轉。西山歌五色。鍊質乃排雲。濯景終不測。雲英亦可餌。且駐羲和力。能令長卿臥。暫故遇真識。

和王中丞聞琴

涼風吹月露。圓景動清陰。蕙風入懷抱。聞君此夜琴。蕭瑟滿林聽。輕鳴響澗音。無爲澹容與。蹉跎江海心。

將發石頭上烽火樓

徘徊戀京邑。躑躅躡會阿。陵高遲關近。眺迴風雲多。荆吳阻山岫。江海含瀾波。歸飛無羽翼。其如離別何。

望三湖

積水照頰霞。高臺望歸翼。平原周遠近。連汀見紆直。葳蕤向春秀。芸黃共秋色。薄暮傷哉人。嬋媛復何極。

送江水曹還遠館

高館臨荒途。清川帶長陌。上有流思人。懷舊望歸客。塘邊草雜紅。樹際花猶白。日暮有重城。何由盡離席。

送江兵曹檀主簿朱孝廉還上國

方舟泛春渚。攜手趨上京。安知暮歸客。詎憶山中情。香風蕊上發。好鳥葉間鳴。揮袂送君已。獨此夜琴聲。

臨溪送別

悵望南浦時。徒倚北梁步。葉上涼風初。日隱輕霞暮。荒城迴易陰。秋溪廣難渡。沫泣豈徒然。君子行多露。

後齋迴望

高軒瞰四野。臨牖眺襟帶。望山白雲裏。望水平原外。夏木轉成帷。秋荷漸如蓋。鞏洛常睠然。搖心似懸旆。

與江水曹至千濱戲

玉臺作別  
江水曹

山中上芳月。故人清樽賞。遠山翠百重。迴流映千丈。花枝聚如雪。蕪絲散猶網。一作垂藤

散似別後能相思。何嗟異封壤。

答沈右率諸君餞別

春夜別清樽。江潭復為客。歎息東流水。如何故鄉陌。重樹日芬蓋。芳洲轉如積。望望荆臺下。歸夢相思夕。

離夜同江丞王常侍作

玉繩隱高樹。斜漢耿層臺。離堂華燭盡。別幌清琴哀。翻潮尚知限。客思耿難裁。山川

不可夢。况乃故人杯。

祀敬亭山廟

剪削兼太華。崢嶸跨玄圃。貝闕眠阿宮。薜帷陰網戶。參差時未來。徘徊望灃浦。椒糈者馨香。無絕傳終古。

出下館

麥候始清和。涼雨銷炎燠。紅蓮搖弱荇。丹藤繞新竹。物色盈懷抱。方駕娛耳目。零落既難留。何用存華屋。

落日同何儀曹照

參差複殿影。氛氳綺羅雜。風入天淵池。芰荷搖復合。遠聽雀聲聚。回望樹陰杳。一賞桂樽前。甯傷蓬鬢颯。

夜聽妓

瓊閨鈿響聞。瑤席芳塵滿。要取洛陽人。共命江南管。情多舞態遲。意傾歌弄緩。知君密見親。寸心傳玉盃。

其二

上客光四座。佳麗直千金。挂釵報纓絕。墮珥答琴心。蛾眉已共笑。清香復入襟。歡樂夜方靜。翠帳垂沈沈。

詠薔薇

低枝詎勝葉。輕香幸自通。發萼初攢紫。餘采尙霏紅。新花對白日。故蕊逐行風。參差不俱曜。誰肯盼微叢。

詠蒲

離離水上蒲。結水散爲珠。閒厠秋菡萏。出入春鳧雛。初萌實雕俎。暮蕊雜椒塗。所悲塘上曲。遂鑠黃金軀。

詠兔絲

輕絲旣難理。細縷竟無織。爛漫已萬條。連絲復一色。安根不可知。縈心終不測。所貴能卷舒。伊用蓬生直。

遊東堂詠桐

孤桐北窗外。高枝百尺餘。葉生旣婀娜。葉落更扶疏。無華復無實。何以贈離居。裁爲珪與瑞。足可命參墟。

雜詠三首

鏡臺

玲瓏類丹檻。茗亭似玄關。對鳳懸清冰。垂龍挂明月。照粉拂紅妝。插花理雲髮。玉顏徒自見。常畏君情歇。

燈

發翠斜漢裏。蓄寶宕山峯。抽莖類仙掌。銜光似燭龍。飛蛾再三繞。輕花四五重。孤對相思夕。空照舞衣縫。

燭

杏梁賓未散。桂宮明欲沈。暖色輕帷裏。低光照寶琴。徘徊雲髻影。灼爍綺疏金。恨君秋月夜。遺我洞房陰。

同詠樂器得琴

同王融  
沈約

洞庭風雨幹。龍門生死枝。雕刻紛布濩。冲響鬱清危。春風搖蕙草。秋月滿華池。是時操別鶴。淫淫客淚垂。

同詠坐上玩器得烏皮隱几

同沈約

蟠木生附枝。刻削豈無施。取則龍文鼎。三趾獻光儀。勿言素韋潔。白沙尚推移。曲躬奉微用。聊承終宴疲。

同詠坐上所見一物得席

同王融虞炎柳惲等

本生潮汐池。落景照參差。汀洲蔽杜若。幽渚奪江蘼。遇君時采擷。玉座奉金卮。但願羅衣拂。無使素塵彌。

詠竹火籠

同沈約

庭雪亂如花。井冰粲成玉。因炎入貂袖。懷溫奉芳褥。體密用宜通。文邪性非曲。本自江南墟。媿娟脩且綠。暫承君玉指。請謝陽春旭。

詠風

徘徊登紅萼。葳蕤動綠葹。垂楊低復舉。新萍合且離。步檐行袖靡。當戶思襟披。高響飄歌吹。相思子未知。時拂孤鸞鏡。星鬢視參差。

詠竹

窗前一叢竹。青翠獨言奇。南條交北葉。新筍雜故枝。月光疏已密。風來起復垂。青扈飛不礙。黃口得相窺。但恨從風籟。根株長別離。

詠落梅

新葉初冉冉。初蕊新菲菲。逢君後園燕。相隨巧笑歸。親勞君玉指。摘以贈南威。用持插雲鬢。翡翠比光輝。日暮長零落。君恩不可追。

詠牆北梔子

有美當階樹。霜露未能移。金蕢發朱采。映日以離離。幸賴夕陽下。餘景及西枝。還思照綠水。君階無曲池。餘榮未能已。晚實猶見奇。復留傾筐德。君恩信未貲。

樂府詩集有齊雩祭樂歌八首。三四五言及七言九言不等。有所思五言四句。玉階怨五言四句。王孫遊五言四句。永明樂十首五言四句。

王元長五古九十四首。樂府詩集錄者以△識之。

齊明王歌辭七首。應司徒教作。

△明王曲

明王日月照。至樂天地和。幸息雲門吹。復歇咸池歌。桂序一作房金匏轉。瑤軒絲石羅。

朱騏步躑躅。之鶴舞蹉跎。露凝嘉草秀。煙度醴泉波。皇基方萬祀。齊民樂如何。

△聖君曲

聖君應昌曆。景祚啟休期。龍樓神睿道。兔園仁義基。海蕩萬川集。山崖百草滋。盤苗

成萃止。渝韎異來思。清明動離軫。威惠一作懷被殊辭。大哉君爲后。何羨唐虞時。

△淶水曲

湛露改寒司。交鶯變春旭。瓊樹落晨紅。瑤塘水初淶。日霽沙澈明。風泉動藝文作暗華燭。遵渚泛蘭觴。乘漪弄清曲。斗酒千金輕。寸陰百年促。何用盡歡娛。王度式如玉。

△採菱曲

炎光銷玉殿。涼風吹鳳樓。雕輜一作青輜儵平隰。朱櫂泊安流。金華妝翠羽。鷁首畫飛一作

龍舟。荆姬採菱曲。越女江南謳。騰聲翻葉靜。發一作散響谷雲浮。良時時一遇。佳人難

再求。

△清楚引

平原數千里。飛觀鬱峇峇。清月同將曙。浩露零中宵。轉葉度沙海。別羽自冰遼。四面通寒色。左右竟嚴飈。峭澗多榛梗。京索久塵苗。逝將憑神武。奮劍盪遺妖。

△長歌引

周雅聽休明。齊德覲升平。紫煙四時合。黃河萬里清。翠柳蔭通街。朱闕臨高城。方轂雷塵起。接袖風雲生。酣笑爭日夕。絲管互逢迎。徂年無促慮。長歌有餘聲。

△散曲

金枝湛明燎繡幕裂芳然層闈橫綠綺曠席緬朱纏楚調廣陵散瑟柱秋風弦輕裙  
中山麗長袖邯鄲妍徐歌駐行景迅節淪浮煙言願聖明主永永萬斯年

△三婦豔詩

大婦織綺羅中婦織流黃小婦獨無事挾瑟上高堂丈夫且安坐調弦詎未央

△青青河畔草

容容寒煙起翹翹望行子行子殊未歸寤寐君一作若容輝夜中心愛促覺後阻河曲

河曲萬里餘情交襟袖疏珠露春華返璿霜秋照一作桂晚入室怨蛾眉情歸為誰婉

同沈右率諸公賦鼓吹曲二首附見謝朓集或作朓詩非也

△巫山高

想像一作髣髴巫山高薄暮陽臺曲煙霞乍舒卷一作行芳自斷續集作煙雲乍卷彼美

如可期寤言紛在矚憮然坐相思一作望秋風下庭綠

△芳樹

相望早春日煙華雜如霧復此佳麗人含情結芳樹綺羅已自憐暄風多有趣去來

徘徊者。佳人不可遇。

△有所思

如何有所思。而無相見時。宿昔夢顏色。階庭尋履綦。高張更何已。引滿終自持。欲知憂能老。爲視鏡中絲。

△臨高臺

遊人欲騁望。積步上高臺。井蓮當夏吐。窗桂逐秋開。花飛低不入。鳥散遠時來。還看雲棟影。含月共徘徊。

△望城行

金城十二重。雲氣出表裏。萬戶如不殊。千門反相似。車馬若飛龍。長衢無極已。簫鼓相逢迎。信哉佳城市。

△法樂辭十二首

樂府作法  
壽樂歌

天長命自短。世促道悠悠。禪衢開遠駕。愛海亂輕舟。累塵曾未極。心樹豈能籌。情埃何用洗。正水有清流。

右歌本起

百神肅以虔。三靈震且越。一作常曜揜芳宵。薰風動蘭月。丹榮藻玉墀。翠羽文珠闕。皓羲非虛來。交輪豈徒發。

右歌靈瑞

韶年春已仲。明星夜未央。千祀鍾休厯。萬國會嘉祥。金容涵夕景。翠鬢佩晨光。表塵維淨覺。汎俗迺輪皇。

右歌下生

襲氣變離宮。重柝驚層殿。曼響感心神。修容轉惟宴。生老終已榮。死病行當薦。方爲淨國遊。豈結危城戀。

右歌在宮

春枝多病夭。秋葉少欣榮。心骸終委滅。親愛暫平生。長風吹北隴。迅瀑急東瀛。知三旣情暢。得一乃身貞。

右歌四遊

飛策辭國門。端儀偃郊樹。慈愛徒相思。閨中空戀慕。夙隸乖往塗。駿足獨歸路。舉袂謝時人。得道且還去。一作願

右歌出國

明心弘十力。寂慮安四禪。青禽承逸軌。文驪一作鏡重川驚巖標遠勝。鹿野究清玄。  
不有希世寶。何以導濛泉。

右歌得道

亭亭雙月流。朏朏晨霜結。川上不徘徊。條閒亟滄滅。靈知湛常然。符一作俯應有盈  
缺。感運復來儀。且厭人閒世。音世

右歌雙樹一作寶樹

春山玉所府。檀林芳一作鸞所棲。引火歸炎燧。挹水自清隄。菴園無異轍。祇館有同  
躋。比肩非今古。接武豈燕齊。

右歌賢眾

昔余輕歲月。茲也重光陰。閨中屏鉛黛。闕下挂纓簪。禪悅兼芳旨。法言戀一作清  
琴。一異非能辨。寵辱誰為心。

右歌學徒

峻宇臨層宮。茗茗疏遠風。騰芳清漢裏。響梵高雲中。金華紛苒苒。瓊樹鬱青蔥。貞

心延淨境。遂業嗣天宮。

右歌供具

影響未嘗隔。晦明殊復親。弘慈邈已遠。睿后扇高塵。區中視景福。寓外沐深仁。萬祀畱國祚。億兆慶唐民。

右歌福應

△少年子

聞有東方騎。遙見上頭人。待君送客返。桂釵當自陳。

△江皋曲

林斷山更續。洲盡江復開。雲峯帝鄉起。水源桐柏來。

△思公子

春盡風颯颯。蘭凋木脩脩。王孫久爲客。思君徒自憂。

△王孫遊

玉臺作  
春遊

置酒登廣殿。開襟望所思。春草行已歇。何事久佳期。

△陽翟新聲

隋書翟  
作澤

懷春發下蔡。含笑向陽城。恥爲飛雉曲。好作鷓鴣鳴。

△永明樂

謝朓同賦

玄符昭景厯。茂實偶英聲。長爲南山固。永與朝日明。

△其二

靈邱比翼棲。芳林合條起。兩代分憲章。一朝會書軌。

△其三

二離金玉相。三袞蘭蕙芳。重儀文世子。再奉東平王。

△其四

空谷返逸驂。陰山響鳴鶴。振玉躡丹墀。懷芳步青閣。

△其五

崇文晦已明。膠庠雜復整。弱臺畱折巾。沂川詠芳穎。

△其六

定林去喧俗。鹿野出埃霞。香風流梵瑄。澤雨散雲花。

△其七

楚望傾澠滌。日館仰鑾鈴。已晞五雲發。方照兩河清。

△其八

幸哉明盛世。壯矣帝王居。高門夜不柝。飲帳曉長舒。

△其九

總棹金陵渚。方駕玉山阿。輕露炫珠翠。初風搖綺羅。

△其十

西園抽蕙草。北沼掇芳蓮。生逢永明樂。死日生之年。

從武帝琅邪城講武應詔

治兵聞魯策。訓旅見周篇。教民良不棄。任智理恆全。白日映丹羽。頽霞文翠旃。凌山炫組甲。帶水被戈船。凝葭鬱摧愴。清管乍聯綿。早逢文化洽。復屬武功宣。願陪玉鑾右。一舉掃燕然。

棲玄寺聽講畢遊邸園七韻應司徒教

道勝業茲遠。心閒地能隙。桂檠鬱初裁。蘭墀坦將闕。虛檐對長嶼。高軒臨廣液。芳草列成行。嘉樹紛如積。流風轉還旋。清煙泛喬石。日汨山照紅。松暎水華碧。暢哉人

外賞遲遲眷西夕。

雜體報范通直

和璧荆山下。隋珠漢水濱。無雙自昔代。有美今為隣。三楚多秀士。江上復才人。緯綃非善賈。聖德可名臣。追飛且學步。共子奉清塵。紫庭風日好。青槐枝葉新。徘徊吹樓側。欲見心所親。樹君蘭蕙草。何用以書紳。莊子河上有家貧恃緯蕭而食者註蕭蒿也織蒿為薄綃疑蕭字之誤也樹未詳音

義融集作徵

蕭詒議西上夜集

古文苑作別蕭詒議

徘徊將所愛。惜別在河梁。衿袖三春隔。江山千里長。寸心無遠近。邊地有風霜。勉哉勤歲暮。敬矣事玉臺作慎容光。山中殊未懌。杜若空自芳。

別王丞僧孺

藝文作謝朓

首夏實清和。餘春滿郊甸。花樹雜為錦。月池皎如練。如何於一作當此時。別離言與宴。畱雜已鬱紆。行舟亦遙衍。非君不見思。所悲思不見。

寒晚敬和何徵君點

疏酌候冬序。閒琴改秋律。如何將暮天。復值西歸日。搖落迎軒牖。飛鳴亂繩草。煙灌

共深陰。風篁兩蕭瑟。虛堂無笑語。懷君首如疾。早輕北山賦。晚愛東臯逸。上德可潤身。下澤有徐轡。叶音必

和王友德元古意

遊禽暮知返。行人獨未歸。坐銷芳草氣。空度明月輝。曠容入朝鏡。思淚點春衣。巫山彩雲沒。淇上綠楊稀。待君竟不至。秋鴈雙雙飛。

其二

霜氣下盟津。秋風度函谷。念君淒以寒。當軒卷羅縠。織手廢裁縫。曲鬢罷膏沐。千里不相聞。寸心鬱紛蘊。平聲況復飛螢夜。木葉亂紛紛。

奉和竟陵王郡縣名

追芳承荔浦。揖道訊虛邱。升裾臨廣牧。從望盡平洲。曾山臨翠坂。方渠緬清流。陽臺翻早茂。陰館懷名秋。歲晏東光弭。景仄西華收。端溪慙昔彥。測水謝前脩。往食曲阜盛。今屬平臺遊。燕棠缺初雅。鄭裘息遺謳。久傾信都美。乃結茂陵儔。河間誠可詠。南海果難遊。

遊仙詩

集云應教

桃李不奢年。桑榆多暮節。常恐秋蓬根。連翩因風雪。習道遍槐岷。追仙度瑤碣。綠帙啟真詞。丹經流妙說。長河且已滎。曾山方可礪。叶音列

其二

獻歲和風起。日出東南隅。鳳旂亂煙道。龍駕溢雲區。結賞自員嶠。移譙乃方壺。金危浮水翠。玉笋挹泉珠。徒用霜露改。終然天地俱。

其三

命駕瑤池隈。過息羸女臺。長袖何靡靡。簫管清且哀。璧門涼月舉。珠殿秋風迴。清鳥驚高羽。王母停玉杯。舉手暫爲別。千年將復來。

其四

湘沅有蘭芷。汨吾欲南征。遺珮出長浦。舉袂望增城。朱霞拂綺樹。白雲照金楹。五芝多秀色。八桂常冬榮。弭節且夷與。參差聞鳳笙。

其五

命駕隨所卽。燭龍導輕鑣。沙澤振寒草。弱水駕冰潮。遠翔馳聲響。流雪自飄颻。忽與若士遇。長舉入雲霄。羅澤徒有睨。蟪蛄已寥寥。

淨行詩廣弘明集作淨行頌初學記作詩

冥津殊復曉。高聽亦能卑。陰牆雖兩密。幽夜有四知。炎山翻烈火。冰澗弔寒澌。羅城振雲幕。鋒樹鬱霜枝。茹荼非云苦。集木豈稱危。求仁曾已得。長歎欲何為。

其二

韞石諒非真。飾瓶信為假。竊服皋門上。濫吹溷軒下。鳳祀徒驚心。縞文終好野。實相豈或照。浮榮未能捨。迹殊冠冕客。事襲驅馳者。已矣歇鄭聲。無然亂周雅。

其三

處塵貴不染。被褐重懷珠。美玉曜幽石。曾蘭挺叢芻。四民一作民不為侶。三界豈能渝。諒茲親愛染。甯以財利拘。煩流捨智寶。榛路坦夷途。萬物竟何匹。烈火樹紅芙。一作跌

其四

心怨動紛繞。情怡輒遷互。歡愛一離遠。傷憂坐衰暮。連幌結清陰。高臺起風露。腐毒緣芳旨。天伐實修媿。慾網必虧生。繁罟或全兔。眇眇夜何期。悠悠終肯悟。

其五

端襟測煩海。矯步寫埃氛。三受猶絕雨。八苦若浮雲。輸心仰圓極。罄質委方墳。朝遊

淨國侶暮集靈山羣。燈祇開遠照。香宇薦嘉薰。俛首睇人俗。信矣靜爲君。

其六

生塗非一理。識緒固饒津。徒駭東陵富。空嗟北郭貧。國生曾已戾。顏氏信爲仁。逢尤昭往業。習善會茲身。勤憂永夷泰。宴安終苦辛。令名且云重。豈若樹良因。

其七

神膏施唯重。玄酒恩未隆。明璣隨水上。潤玉藍田中。稟天性所極。資敬道攸崇。羽毛共以勢。輪軌相爲通。報德愴前雅。酌言愛餘風。遵塗每多舛。顧省能無忡。

其八

冬狐狸豐義。春蠶緒輕絲。形骸翻爲阻。心識還自欺。華榮羈卅日。生平少年時。驅車追俠客。酌酒弄妖姬。但念目前好。安知身後悲。惕然一以愧。永與情愛辭。

其九

蘭室改蓬心。旃崖變伊草。丹青有必渝。絲<sub>素</sub>皦<sub>一作素</sub>豈常皓。曲轅且繩直。詭木遂彫藻。一簣或成山。百里倦中道。崇一作崇漢乃王臣。失楚信元保。勉矣德不孤。至言匪虛造。

其十

金山巖竇仞瓊琬列瑤蕤牆狐議不窟檐燕豈能棲淨花莊思序慧沼盥身倪六羣  
儻未一七眾固恆齊端儀有直景正道無傾蹊維宮超以悟襄野竟何迷

春遊迴文詩

藝文類聚  
作賀道慶

枝分柳塞北葉暗榆關東垂條逐絮轉落藥散花叢池蓮照曉月幔錦拂朝風低吹  
雜綸羽薄粉豔妝紅離情隔遠道歎結深閨中

侍遊方山應詔

巡躅望登年帳飲臨秋縣日羽鏡霜薄雲旗落風甸四瀛良在目八寓婉如見小臣  
竊自嘉預奉柏梁讌

奉辭鎮西應教

未學謝能算高義幸知遊雷庭參辯爽梁苑豫才鄒徘徊歲光晚搖落江樹秋風旗  
縈別浦霜瑄迢遙洲

餞謝文學離夜

所知共歌笑誰忍別笑歌離軒思黃鳥分渚愛青莎翻情結遠旆灑淚與行波春江  
夜明月還望情如何

△和南海王殿下詠秋胡妻

樂府作秋胡行

日月共爲照。松筠俱以貞。佩紛甘自遠。結鏡待君明。且協金蘭好。方愉琴瑟情。佳人忽千里。幽閨積思生。

△其二

景落中軒坐。悠悠望城闕。高樹升夕煙。層樓滿初月。光陰非或異。山川屢難越。輟泣揜鉛姿。搔首亂雲髮。

△其三

傾魄屬徂火。搖念待方秋。涼氣承宇結。明熠儵階流。三星亦虛暎。四屋慘多愁。思君如萱草。一見乃忘憂。

△其四

杼軸鬱不諧。契闊彌新故。朔風櫺上發。寒鳥林閒度。客遠乏衣裘。歲晏饒霜露。參差興別緒。依遲起離慕。

△其五

願言如可信。行邁亦云反。睇景不告勞。瞻途甯遽遠。何以淹歸轍。蠶妾事春晚。送目

亂前華。馳心迷舊婉。

△其六

椒珮容有結。振芳歧路隅。黃金徒以賦。白珪終不渝。明心良自皎。安用久踟躕。遘車及粉巷。流日下西虞。

△其七

披帷悵有望。出門遲所欲。彼美復來儀。慙顏變欣矚。蘭艾隔芳臭。涇渭分清濁。去去夫人子。請殉川之曲。

琵琶見謝朓集

抱月如可明。懷風殊復清。絲中傳意緒。花裏寄春情。掩抑有奇態。悽鏘多好聲。芳袖幸時拂。龍門空自生。

詠幔古文苑作謝朓

幸得與珠纒。纂歷君之楹。月映不辭卷。風來輒自輕。每聚金鑪氣。時駐玉琴聲。但願置尊酒。蘭缸當夜明。

藥名以下二首見事林廣記

重臺信嚴敞。陵澤乃閒荒。石蠶終未繭。坦衣不可裳。秦芎畱近詠。楚蘅措遠翔。韓原結神草。隨庭銜夜光。

星名

眇歎屬辰移。端憂臨歲永。久慙入漢客。每愧遵河影。仙羽誠不退。蓬襟良未整。誰謂無正心。大陵有霜穎。

奉和月下

雕雲度綺錢。香風入珠網。獨知此夜月。依遲慕神賞。

詠池上梨花

翻階沒細草。集水閒疏萍。芳春照流雪。深夕映繁星。

詠梧桐

鸞鳳影層枝。輕虹鏡展綠。豈數龍門幽。直慕瑤池曲。

詠女蘿

羃歷女蘿草。蔓衍旁松枝。含煙黃且綠。因風卷復垂。

移席琴室應司徒教

雪崖似畱月。蘿徑若披雲。潺湲石溜寫。綿蠻山雨聞。

抄眾書應司徒教

說禮固多才。惇詩信為善。巖笥發仙華。金滕開碧篆。

奉和代徐玉臺作自君之出矣

自君之出矣。芳蕤絕瑤卮。思君如形影。寢興未曾離。

其二

自君之出矣。金鑪香不然。思君如明燭。中宵空自煎。

擬古二首第一首一作代藁砧第二首一作鏡臺

花蒂今何在。亦是林下生。何當垂雙髻。團扇雲閒明。

其二

鏡臺今何在。寸身正相隨。何當碎聯玉。雲上璧已虧。

離合賦物為詠玉臺云詠火

冰容慙遠鑒。水質謝明暉。是照相思夕。早望行人歸。

四色詠

赤如城霞起。青如松霧澈。黑如幽都雲。白如瑤池雪。

後園作迴文詩

此當為梁元帝詩。觀簡文諸人。和詩可見藝文逸名。俟再考證。

斜峯繞徑曲。聳石帶山連。花餘拂戲鳥。樹密隱鳴蟬。

雙聲詩

園蘅眩紅蘼。湖苻燁黃華。迴鶴橫淮翰。遠越合雲霞。

古詩紀有秋夜長一首。雜言代五雜組一首。三言奉和纖纖一首。七言皆以非五古未鈔。

三十家詩鈔卷三

中華民國壹零零年捌月拾玖日贈送



國家圖書館



003676679

